

FANANGANAN'ANAKA ⁴

 Rahalahy Neville, ary manao ahoana, hariva, raha ny marina, ho an'ireo sakaizanay sarobidy, faly isika ny tafaverina eto amin'ny fiangonana izao hariva izao. Mafana kely, ary noho izany dia hiezaka isika ny handeha haingana mihitsy arak'izay azo atao, hiditra avy hatrany ao amin'ny Hafatra.

Voalohany, dia manana filazana vitsivitsy hatao isika, ary fa-fangataham-bavaka manokana iray. Azoko ireo taratasinareo tany, izay nomena, ary ho an'ilay anabavy izay mahatsapa fa tratry ny fivontosana izy ao amin'ny ati-doha. Ary nisy iray hafa tany Louisville; ary rahalahin'ny mpitoriteny hafa iray, tratry ny aretim-po ny rainy; ary misy olona marary maro, maro eto amin'izao tontolo izao androany. Maro ireo miantso ary azo antoka fa tena hivavaka ho azy ireo amin'ny fontsika rehetra isika, mba hanampian'Andriamanitra antsika.

Mazàna dia saiky ny dimy amby sivifolo isan-jaton'ny asam-panompoako dia izay foana, mivavaka ho an'ny marary, hitanareo, saingy izaho—izaho fotsiny dia somary manana—somary manana fijery kely iray izay... Mbola mivavaka ho an'ny marary foana aho, ankehitriny, tsarovy izany. Miaraka tsara amin'ilay izy izany. Saingy, oh, raha afaka isika manao ny—ny fiangonana tafapetraka ara-toerana, amin'izay fotoana izay, ary mipetraka ao amin'ny lamina mba ahafahantsika mandeha miasa, hitanareo. Tsy maintsy mifandamina isika, hitanareo, manao ny zavatra rehetra hiaraka.

Nisy zavatra hafa iray nahakasika ny foko mihitsy, fotoana vitsy lasa izay. Izany dia rehefa lehilahy mpiady tranainy antitra kely iray, saiky niendaka voatifitra ny iray tamin'ireo sandriny, saiky niendaka voatifitra ny ranjony. Tsy eto izy mba hihaino ahy izao ankehitriny izao. Fa tena lehilahy iray mendrika, amin'ny anarana hoe Roy Roberson, ary iray amin'ireo mpitantan-draharahantsika eto amin'ny fiangonana, ary Kristiana mendri-kaja mahafinaritra iray. Tonga teto mihitsy izy, ka nanao hoe, "Rahalahy Branham, aza adino ilay Filoha." Hoy izy, "Nanao ahy hahatsapa ho tena nalahelo izany rehefa nidina izy," hitany teo amin'ny televiziona iray, "izy nidina avy tamin'ny fiaramanidina, nitsororika teo amin'ny takolany ireo ranomaso, ary nivilana ny vavany." Fantatrareo, tany mihitsy izy miaraka tamin'i Roy sy izy ireo, tao amin'ilay—ilay ady.

Tsy mampaninona raha tsy mifanaraka aminy aza ianareo ao amin'ny politika, mbola Filohantsika foana izy. Eny, tompoko. Ho ahy, izaho—izaho dia sady tsy Demokraty no tsy Repoblikana. Kristiana iray aho. Saingy izaho—teneniko

aminareo, manana fankasitrahana lehibe tokoa aho ho—ho an'ny Filoha Dwight Eisenhower. Tompoko, azo antoka fa efa lehilahy malaza iray izy, amin'ny fomban'ny—ny fiheverako. Raha milatsaka indray izy, ka hifidy aho, dia hifidy azy indray aho. Marina izany. Tsy ahoako raha izy dia efa—raha efa zato taona izy, mbola hifidy azy foana aho, satria tiako izy. Ary ndao isika hahatsiaro azy amin'ny fivavahantsika izao hariva izao.

J. T., ankasitrahako tokoa ilay fivoriana mahafinaritra, ianareo rehetra, izay nataonao sy Rahalahy Willard tamin'ity herinandro ity. Raha niditra aho fa tsy tany ivelany, dia ho nilaza ianareo rehetra hoe, "Eny àry, Rahalahy Branham ankehitriny, fantatrao, *izao-sy-izao*." Fa tsaratsara kokoa ny nitsangana tany ivelany ka nihaino anareo, tsy hitanao ve? [Mihomehy Rahalahy Branham—Mpand.] Eny àry. Noho izany, tena mahafinaritra.

Nahazo tolotr'asa vitsivitsy ho an'ny fiangonana sasany aho, raha ilainareo rehetra izy ireo, raha vonona ny handeha hitandrina ianareo ankehitriny, raha manana ny fiofananareo ianareo. Ary, izany, mino aho fa manana ianareo, ary milamina tanteraka. Manana anankiray aho any Oregon, ny sasany any Washington, California, sy Arizona, toerana samihafa. Ary raha mba te-haka fiangonana iray ianareo na zavatra iray, nahoana, eto mihitsy no toerana tsara hanombohana, eto mihitsy. Ary misy ireo fanahy izay miantsantso hatraiza hatraiza, hatrany amin'ireo toerana arovan'i Indiana mihitsy aza ary na inona na inona tianareo handehanana. Ampahafantaro anay fotsiny, satria mino aho fa mamikitra ianareo zazalahy ankehitriny. Marina izany. Tiako fotsiny ny mahita azy ireo manao an'izany.

Misy an-dRahalahy Ruddell any eo amin'ilay lâlana. Handeha any aho hanao fivoriana iray ho azy, afaka andro vitsy. Handeha hanao fifohazana iray, Rahalahy Ruddell izany. Ary izaho—tsaroako aho nanosika an'io lehilahy kely io hatraiza hatraiza tany, niezaka ny namatotra azy tao amin'ilay lamboridy ka hitory teny. Tena saro-kenatra izy. Hoy izy hoe, "Tsy afaka miresaka mihitsy aho." Tokony handre azy ianareo. Amena. Hitanareo? Tsy fantatrareo izay mety ho vitanareo raha mamela ny Fanahy Masina hihazona anareo ianareo. Marina izany.

Ary Rahalahy Graham Snelling any Utica, sy Rahalahy Junior Jackson any. Isika—isika dia mandray azy ireo ho fiangonana kely rahavavintsika, miaraka amintsika mihitsy. Miaraka isika rehetra. Tsy hoe tsy mifanaraka isika eo amin'ireo foto-pampianarantsika, na ireo fanantenantsika sy fikasantsika, ireo foto-pampianarantsika, dia iray. Mitsangana miaraka isika, ny zavatra rehetra dia miaraka fotsiny. Fiangonana iray fotsiny isika. Ary azo antoka fa ho tiantsika ny hahita azy ireo miely manerana; manana sasantsasany isika any Afrika, sasantsasany any India, ary manerana rehetra, eto amin'ny firenena. Izany no itiavantsika azy ireo, manely an'ireo Vaovao.

Ary mahita an'ireto lehilahy tanora ireto mandroso aho, tahaka an-dRahalahy J. T. Parnell eto, sy—sy Rahalahy Willard ary izy ireo, rehefa mandroso izy ireo, lehilahy tanora, nefo aho miha-antitra kokoa. Raha misy ampitso iray, dia izy ireo no ho lehilahin'ny ampitso. Tsy tiako ho faty mihitsy ity Hafatra ity. Tsy mety fotsiny Izzy. Tsy maintsy mitohy velona Izzy. Ary tsy mino aho fa mbola manana fotoana ela be isika hitondrana Azy.

Ilay zaza kely izay nolazain'izy ireo fa ho faty, dia hitako fa manana azy ianao androany ato amin'ny fiangonana nandritry ny andro, ranabavy. Tena mahafinaritra izany. Misaotra ny Tompo isika ny amin'izany, hoe miahny ny Tompo, feno famindrampy. Manohiza mino fotsiny an'izay notenenina taminao teto mihitsy, hitanao, dia ho mety tsara ilay izy.

Ankehitriny, ankasisitrahaneo ve ny fampianaranana? Tianareo ve ny fampianaranana? [Hoy ny fiangonana hoe, "Amena."—Mpand.] Oh, izaho—izaho—mihevitra marina tokoa aho fa manao tsara ho antsika izany. Manome antsika fitsaharana kely amin'ny fivavahana ho an'ny marary izany, sy ireo fahitana, ary ny fanasitranana avy amin'Andriamanitra. Mazava ho azy, ankehitriny, izao hariva izao isika... Aorian'ny fotoana, dia hivavaka ho an'ny marary indray isika, izao hariva izao. Tiantsika foana ny manao an'izany, manao batisa ny olona amin'ny fotoana rehetra.

Firy no mahatsiaro rehefa nandeha an-tongotra teo amin'ireo laharan-taribin'ny herinaratra matanjaka aho fahiny? Eny, nandeha an-tongotra nitety an'ireo laharan-taribin'ny herinaratra matanjaka aho, matetika, tsy maintsy nandeha telopolo maily isan'andro nanerana ny an-efitra. Nanana laharan-tariby valopolo sy roanjato maily nandehanana aho. Nandeha nanerana tany aho, ny lobaka teo an-tànako, ary, oh, tena vizaka, nandeha nitety an'ireo ati-ala, sy ireo tsilo maitso nandratra. Nihaona tamin'ny tantsaha antitra anankiray aho ka nipetraka teo ambanin'ny hazo iray ary niresaka taminy mikasika ny hoe atao batisa amin'ny Anaran'ny Tompo Jesosy. Hoy izy hoe, "Eny, efa te-hatao batisa foana aho."

Hoy aho hoe, "Tsy lavitra loatra an'ilay helodrano ilay izy." Dia hoy izy hoe...

Ary nitondra betsaka tamin'izy ireo mihitsy aho tany ka nanao batisa azy ireo tamin'ny Anaran'i Jesosy. Nanohy teo amin'ilay laharan-tariby avy hatrany, haingana arak'izay azoko nandehanana. Marina izany. Matetika dia ao amin'ireo akanjoko tranainy fitondra miasa, no anaovako batisa anankiray, midina avy hatrany avy eo amin'ny andry iray. Nipetraka niasa teo ambony teo amin'ilay andry; izaho dia mpametaka laharan-tariby, ihany koa, niasa teo amin'ilay andry, niaraka tamin'ny lehilahy iray, niresaka taminy mikasika ny Tompo. Hoy izy hoe, "Nahoana, Billy, indray andro any dia hanatona ny fiangonanao aho ary hatao batisa."

² Hoy aho hoe, “Nahoana ianao no te-hiadry mandrapahatongan’izany? Eo akaikin’ilay renirano mihitsy isika, feno rano mihitsy eo.” Alaivo izy ireo izao ankehitriny izao. Marina izany. Izao no fotoana. Nilaza i Filipo . . .

³ Hoy ilay ionoka tamin’i Filipo hoe, “Indro misy rano, inona no misakana antsika?” Marina izany. Tsy misy na inona na inona. Raha vonona ianareo, dia izao no fotoana. Aza mamela ny devoly hanana anjara iray hanatsofoka zavatra iray ao anatiny ao. Aza avela ho an’ny ampitso ireo zavatra izay azonareo atao androany. Mety tsy ho tonga ho anareo ny ampitso. Tsaroako aho indray mandeha nanao an’izany, nianatra, nampianatra ahy lesona iray. Namela zavatra iray izay tokony ho nataoko aho indray andro, ka ny andro manaraka dia efa tara loatra.

⁴ Ankehitriny, tsy te-hihazona anareo mandritr’ity fotoana rehetra ity marina tokoa aho. Fa izaho fotsiny dia lasa tena—tena mientanentana, ary, tsy fantattro, mahatsapa ho tena tsara fotsiny aho hany ka lasa any ivelan’ny tenako mihitsy aho, saiky. Mahatsapa ho tena tsara fotsiny aho.

⁵ Ankehitriny dia ndao isika hanondrika ny lohantsika vetivety fotsiny alohan’ny anatonantsika ny Teny.

⁶ Rainay any An-danitra, Ianao no ilay Andriamanitra velona, velona mandrakizay. Ny masoandro izay vao avy nilentika, io masoandro iray ihany io, njery azy i Daniela rehefa nilentika izy, njery azy nilentika i Jeremia, njery azy nilentika i Adama, njery azy nilentika Jesosy. Ary izany dia ilay izao tontolo izao iray ihany izay iainan’izy ireo sy andehanany, ary mbola mijanona ho ilay Andriamanitra iray ihany foana Ianao.

⁷ Misy fangatahana maro izao hariva izao. Lehilahy iray miaraka amin’ny fivontosana eo amin’ny ati-doha, anabavy iray izay matahotra an’ilay zavatra iray ihany. Ianao no fanantenana tokana, Tompo, izay misy ho an’izany. Lasa fetsy io fivontosana io, tsy misy na inona na inona azo ajanona. Any ankoatry ny fahatakaran’ny tangan’ireo dokotera izany. Saingy izao hariva izao dia mandeha miaraka amin’ny antsamotady kelinay izahay, mitady an’io zanak’ondry io, hitondra azy hiverina eo amin’ny valan’ny Ray. Amin’ny Anaran’ny Tompo Jesosy no andefasanay ny vavakay hamono an’ilay liona, ilay fivontosana, ilay hafetsena, hamerina azy ireo ho voaaro eo amin’ny vala.

⁸ Ary izahay, Andriamanitra, dia tena mahatsiaro ny Filohanay maha-te-ho tia izao hariva izao, rahalahy, i Dwight Eisenhower anay. Izy no nitari-dalana ny firenena, Tompo, niezaka izy ny nisakana anay tsy ho amin’ny ady. Nampantanena izy fa hifarana ilay adin’ny Koreana raha nanao ny fomba rehetra izay vitany izy. Nampantanena an’ireo reny izy fa hamerina an’ireo zazalahy. Saingy hoy izy hoe, “Raha ny hanaovako an’izany, dia tsy afaka manao an’izany aho. Afaka

mametraka an'ireo ezako aho, saingy Andriamanitra irery ihany no tsy maintsy hanao an'izany." Ary nomba azy Ianao, Tompo, ka ankehitriny dia milamina tanteraka izany. Nahoana izy ireo no tsy afaka nahita an'izany tany amin'ny voalohany? Andriamanitra, mivavaka aho mba Hanampianao azy. Tahio io fanahy mahery fo io, Tompo. Ary mivavaka izahay mba Hifidiananao ho anay an'ilay mpitarkika izay ho avy manaraka. Hatao anie ny Sitraponao voafidy mialoha, Tompo.

⁹ Fa ilay Anankiray izay tena mahaliana anay izao hariva izao, ankoatr'ireo raharaha-m-pirenénay, dia io Anankiray be voninahitra malaza izay ho avy io mba hametraka Fanjakana iray izay tsy hanana fiafarana, ny Tompo Jesosy, Ny Zanakao. Amin'izay fotoana izay dia hangorona an'ireo fitaovam-piadiana izy ireo, haneno ireo famonoana afo ka tsy hisy ady intsony. Hamboly an'ireo tanim-boaloboka izy ireo ka hihinana ny vokatra avy aminy. Hanorina trano izy ireo, hipetraka amin'izy ireo. Ary tsy hisy fahoriania intsony amin'izay fotoana izay aorian'izany.

¹⁰ Tahio izahay ankehitriny raha manatona ny Teny. Ary, Ray, Ianao no mahafantatra ny antony izay anatonako ny Teny avy amin'ity Soratra eto ity mihitsy. Izany dia satria aho—mahatsapa aho fa tahaka an'izany no Tiana anaovako azy, hoe izany no Sitraponao Masina, ao amin'ny Laminao izany, izany dia ao amin'ny... izany no lamin'ilay andro, mba hamela ny olona hahita ny toerany ara-toerana ka ho vonona ho an'ilay oran'ny ady. Araka ny nolazain'ny rahalahinay tao amin'ny fivavahany nankany Amino vao tsy ela akory izay hoe, "Oh, tena efa ela no Nanofananao anay, Tompo." Ankehitriny, Ray, omeo anay ny laharanay. Apetraho eo amin'izay nasaina nataonay izahay, mba ahafahanay hanao ny asan'ny Ray. Fa mangataka an'izany amin'ny Anaran'i Jesosy izahay, Ny Zanakao. Amena.

¹¹ Nanana tolakandro nahafinaritra iray aho raha ny marina tamin'ity tolakandro ity, niresaka tamin'ny dokotera malaza iray ao Louisville, ny mpampivelony. Nandre mikasika an'ireo zavatra lehibe an'ny Tompo izy ireo. Ary dokotera iray ny rainy. Ary tonga izy ka nipetraka tao amin'ny efifiro tamin'ny ankamaroan'ny tolakandro, niditra fotsiny, namangy. Olona mahafinaritra iray; sarotiny kely raha ny marina, fantatrareo, karazana mahatoky iray, tena Presbyterana eo am-panombohana, saingy lasa niaraka tamin'ny ranomaso nikoriana teo amin'ny takolany. Oh, izaho... Andriamanitra dia manana azy ireny fotsiny mipetraka hatraiza hatraiza, ao amin'ireo biraon'ny dokotera, ao amin'ny mpampivelona. Tsy mino aho fa nisy mpampivelona iray ao amin'ny Infirmary Hospital an'i Norton izay tsy nijoroako vavolombelona ny amin'ny fahazoana ny Fanahy Masina, ka nanontany azy raha vita batisa tamin'ny Anaran'i Jesosy izy. Tsy nisy dokotera izay nifandraisako, na taiza na taiza, na ino-... Hitanareo?

¹² Teneno amin'izy ireo ny mikasika an'Izany. Tsy manana fotoana betsaka isika, rahalahy. Tsy mampaninona na toa sarotra toy ny ahoana aza izany, miandrasy fotsiny mandrapahatonganareo hiampita amin'io fofon'aina farany any io ka hahita, haniry ianareo amin'izay fotoana izay ny ho nahavita an'ilay izy. Eny, tompoko. Aza miandry mandrapahatongan'izany fotoana izany, ndao isika hanao an'ilay izy izao ankehitriny izao. Izao no ora. Oh, mety tsy hifanaraka izy ireo, sy ho romotra ary hifamaly kely mikasika an'izany, saingy tsy fanahy inian'izy ireo izany. Tsy fanahy inian'izy ireo marina tokoa izany. Izy ireo—izy ireo—mety tsara izy ireo. Hifamaly aminareo izy ireo, izao fotsiny—tsarovy fotsiny, izy ireo—tsy fanahy inian'izy ireo marina tokoa izany. Tsy fanahy inian'izy ireo izany. Mety nampianarina zavatra iray fotsiny izy ireo ary mifikitra eo amin'izany fotsiny, mba ianareo—ahafahanareo mahita ny heviny. Aza mifamaly amin'izy ireo, aza mifamaly amin'ny anankiray mihitsy, fa tiavo fotsiny izy ireo ao anatin'Izany mihitsy. Avy eo dia mivavaha ho azy ireo.

¹³ Eny, neveriko fa tonga hatreo amin'ny andinin faha-9 isika, tsy azoko antoka. Mbola lavity ny toko faha-3 izany, sa tsy izany, ry lehilahy? Saingy oh, Izany no tantely ao amin'ny vatomampy, ho ahy! Efa niresaka isika ankehitriny, tsarovy, mba ahafahantsika haka foto-kevitra kely iray indray. Ary ankehitriny, Rahalahy Neville, ianao—sintony kely fotsiny aho ankehitriny raha diso amin'ny fijerena ny ora mandroso, mba ahafahako hanao vavaka ho an'ny marary. Tiantsika ny hahita ny antsipirany kely rehetra izay vitantsika. Ary mila antso eny amin'ny alitara aho izao hariva izao. Izaho... Eo am-pamaranana eo amin'ity dia mety afaka hamaky fotsiny ny sisa amin'izany aho.

¹⁴ Fa ny tanjon'ity, dia, ny mahita ny toeranareo ao amin'i Kristy, hahita fa tsy zavatra iray hahatongavanareo kisendrasendra fotsiny izany, na zavatra izay mety hananana... mendrika anareo any ho any, fa izany dia izay nataon'Andriamanitra ho anareo, Izay tenany. Tsy hoe tena tsara ianareo ka nandeha nankany amin'ny fiangonana iray indray hariva, ka rahalahy mahanttra iray no nitarika anareo hankeo amin'ny alitara. Ary tsy izany ilay izy. Izany dia Andriamanitra, talohan'ny fanorenana an'izao tontolo izao, no nifyd anareo mialoha ho amin'ny Fiainana Mandrakizay. Rehefa tonga any ianareo amin'io andro io, tsy mahagaga raha ireo efapolo... nanaisotra ny satroboninahiny ireo loholona efatra amby roapol, nametraka ny satroboninahiny ny olona rehetra, lavo tamin'ny tavany ny tsirairay avy, tsy nanana zavatra iray azon'izy ireo lazaina izy ireo, tsy nisy mpitory teny, tsy nisy loholona, tsy nisy na inona na inona. Ny dera rehetra ho an'ny Zanak'ondry! Hanangona ny zavatra rehetra ao Aminy Andriamanitra amin'io andro io. Oh, raha mba nahfantatra sy

nahalala isika hoe Iza io Izay nohomboan'izy ireo io. Ankehitriny eo amin'ny . . .

¹⁵ Manomboka eo amin'ny andininy faha-8 isika, mba haka foto-kevitra kely iray.

Izay izy no nanao be ho antsika tamin'ny fahendrena sy fisainana rehetra;

Nampahafantatra ho antsika ny zava-miafin'ny sitrapony, . . .

¹⁶ “Ireo zava-miafin’ny Sitrapony.” Ary tsaroanareo ve hoe toy ny ahoana no naharetantsika teo amin’io? Firy no tetra aninkeo maraina, aoka ho hita. Toy ny ahoana no nijanonantsika maharitra teo amin’io hoe, “ny zava-miafin’ny Sitrapony.” Ankehitriny, izany dia tsy zavatra kely iray fotsiny, noho izany dia zava-miafina iray izany. Ny sitrapon’Andriamanitra dia zava-miafina iray. Ary ny olona tsirairay dia tsy maintsy mikatsaka ny sitrapon’Andriamanitra ho azy na ho azy manokana, ny zava-miafin’Andriamanitra.

¹⁷ Ahoana no abitantsika? Paoly, nampahafantarina azy izany. Nilaza izy fa tsy naka hevitra tamin’ny olona mihitsy, tsy nofo aman-drà. Tsy nandeha tany an-tsekoly izy, tsy nisy seminera. Tsy nisy nidirany tamin’izany. Fa izy . . . Izany dia voambara taminy tamin’ny alàlan’i Jesosy Kristy, Izay nihaona taminy teny amin’ny lèlana nankany Damaskosy, tao amin’ny—ny Hazavana iray tahaka ny Andry Afo, ary Izany no niantso azy. Ary lasa nankany Arabia izy, ary nonina tany telo taona. Oh, tsy mihevitra ve ianao fa fotoana iray izany, Rahalahy Egan? Telo taona tany Arabia tany i Paoly, nanofa tranobe kely iray ho azy tany ho any, nandeha nandroso sy niverina teo amin’ny gorodona, niaraka tamin’ireo horonana manontolo. Tsy nanana an’ireo vaovao izy ireo; Paoly no nanoratra azy ireo, ny ankamaroany. Tao amin’ireo horonana tranainy mihitsy, ahoana fa Andriamanitra, tany amin’ny fiandohana, dia efa nifidy antsika mialoha ho amin’ny Fiainana Mandrakizay. Ahoana fa nandefa an’i Jesosy Izy, mba amin’ny alàlan’io Fanatitra io no hananantsika rehetra zò ho amin’ilay Hazon’Aina. Ireo izay Fantany mialoha, no Nantsoiny; ireo izay Nantsoiny, no efa Nohamarininy; ireo izay Nohamarininy, no efa Nomeny voninahitra. Andriamanitra, hatrany amin’ny fiandohan’izao tontolo izao, dia efa nifidy antsika mialoha ho amin’ny fananganan-janaka. Ankehitriny dia misento ny famoronana manontolo, miandra ny fanehoana an’ireo zanak’Andriamanitra. Oh, nihevitra aho fa nanana fotoana iray mahafinaritra i Paoly. Tiako ny ho tany niaraka taminy. Ary ianareeo?

¹⁸ Ankehitriny dia hoy izy hoe, “Izy no nampahafantatra antsika ny zava-miafina.” Raiso eo aminareo ny Fanahy Masina indray andro, ary manomboha mampifanarakana an’Izany dia diniho fotsiny hoe ahoana no Andehanany. Tamin’ity tolakandro

ity aho dia tsy maintsy, oh, teo amin'ny telopolo minitra teo nianatra, mba handinika fotsiny ny lesona; angamba tsy izany, hataoko hoe ny antsasak'izany, dimy ambin'ny folo minitra teo anelanelan'ireo fotoana. Ary tsy maintsy nampifanaraka aho, ka nieritreritra hoe, "Ny zava-miafina, mahagaga toy ny ahoana!" Ary nitondra ahy niverina tao amin'ny Testamenta Taloha ny Soratra, avy eo dia niverina tao amin'ny Testamenta Vaovao; namatotra zavatra iray niaraka, hahita ny zava-miafin'Ny Fihaviany, ny zava-miafin'ny Sitrapony, ny zava-miafin'ny hoe isika miara-mipetraka. Tsarovy, tsy afaka ampianarina any amin'ny seminera iray izany. Zava-miafina iray izany. Tsy afaka mahafantatra an'izany amin'ny alàlan'ny fianarana ianareeo, amin'ny alàlan'ny teolojia. Izany dia zava-miafina iray izay efa nafenina hatramin'ny fanorenana an'izao tontolo izao, miandry ny fanehoana an'ireo zanak'Andriamanitra.

¹⁹ Teneno amiko, ry rahalahiko, teneno amiko, ry anabaviko, hoe oviana ny fotoana izay hany tsy maintsy ho nahavoaseho an'ireo zanak'Andriamanitra ankoatr'ity fotoana ankehitriny ity? Oviana no mba nisy fotoana iray tao amin'ny tantara, izay tsy maintsy nanohoan'izy ireo ny fotoana hanafahana ny natiora rehetra? Ny natiora, ny natiora izy tenany dia misento, miandry ny fotoan'ny fanehoana. Nahoana, talohan'ny nahavitan'ny fanaovam-panavotana, talohan'ny hany nandrotsahana ny Fanahy Masina, talohan'ny rehetra—ny Testamenta Taloha rehetra, mitohy midina, dia tsy afaka nisy fanehoana. Tsy maintsy niandry an'ity fotoana ity izany. Ankehitriny dia efa nentina ny zavatra rehetra, tonga, maka endrika ao amin'ny vatotendro iray, ho amin'ny fanehoana an'ireo zanak'Andriamanitra izay miverina, ary miditra ao amin'ireo olona ireo ny Fanahin'Andriamanitra, tena tanteraka tokoa, hany ka ho tena hitovy amin'ny an'i Kristy ny asam-panompoan'izy ireo hany ka hanakambana Azy sy Ny Fiagonany miaraka izany.

²⁰ Firy no efa mba nianatra ny tantaran'ireo pyramida? Heveriko fa ramatoa anankiray eto no nanangana ny tànany. Eny àry.

²¹ Nanoratra Baiboly telo Andriamanitra. Ny iray amin'izy ireo dia ny Zodiaka eny amin'ny lanitra, izany no Baiboly voalohany. Tsy maintsy niandrandra ny olona mba hahalala fa avy any ambony Andriamanitra. Araho ny Zodiaka, efa mba nianatra an'izany ve ianareo? Izany aza dia manome ny taona tsirairay, na dia ny taonan'ny foza aza. Izany dia manome ny fiandohana, ny voa.... ny fahaterahan'i Kristy. Inona ny sary voalohany ao amin'ny Zodiaka? Ny virijiny. Inona no sary farany? Leo ilay liona. Ny Fihaviana voalohany sy ny Fihavian'i Kristy faharoa, voasoratra ao ny rehetra amin'izany.

²² Avy eo ny Baiboly manaraka dia voasoratra, tao amin'ny vato, nantsoina hoe "pyramida." Nanoratra tao amin'ny

pyramida Andriamanitra. Raha mianatra azy ireo ianareo, dia diniho ireo tantara fahiny sy ady, ahoana fa voaorina talohan'ny fandravàna talohan'ny safo-drano izy ireo.

²³ Ny fahatelo dia nosoratana teo amin'ny taratasy, ny Baiboly, ho an'ilay tontolo malaza, manan-tsaina mahay izay ho avy. Ankehitriny, satria nitety ny taona Andriamanitra, dia eo amin'ny Leo ilay liona isika. Eo amin'ilay saron'ny pyramida isika. Ao amin'ny Bokin'ny Apokalypsy isika, eo amin'ilay toko farany. Ny siansa dia milaza fa telo minitra mialohan'ny misasak'alina isika. Oh, eritrereto hoe aiza no misy antsika.

²⁴ Ary mariho, ndao alaintsika ny pyramida, mora ilay izy. Mitovy amin'ny endrika telozoro iray izany.

²⁵ Rehefa nanomboka teto ambany teto isika teo amin'ny taona voalohany an'ny fiangonana, taorian'ny Fanavaozana tamin'ny andron'i Luther, lehilahy iray fotsiny mba hilaza fa izy dia Kristiana iray, na midika ho fiainany na fahafatesany izany. Novonoin'izy ireo izy nohon'ny filazana fotsiny aza fa Kristiana iray izy. Noho izany mba handehanana ao amin'ny fanenjehana... Ny taona tsirairay, nandrity ny fotoana rehetra, dia nisy fanenjehana. "Izay miaina am-pahamasinana ao amin'i Kristy Jesosy dia hiaritra fanenjehana." Tao amin'ny taonan'i Luther, dia nampahatahotra ny nilaza hoe "Loterana iray." Noheverina ho fanaticika iray ianareo, ary mety ho novonoina ho faty. Matetika izy ireo dia namono azy ireo teo amin'ireo tsato-kazo, nandoro azy ireo, sy ny zavatra hafa rehetra, satria Loterana.

²⁶ Avy eo dia nihena ilay fiangonana, tahaka an'ilay pyramida. Tonga tao amin'ny dingan'ny fahasoavana hafa iray izy, dia ny fanamasinana. Ny andron'i Wesley, rehefa nanohitra ny fiangonana Anglikana izy, no nampianatra ny fanamasinana. Tonga tao amin'ny havitsiana indray izy, tamin'izay fotoana izay dia nantsoina hoe andiana fanaticika izy ireo.

²⁷ Firy ato no efa Metodista, na izany fahiny, na nifandray indray mandeha tamin'ny fiangonana Metodista? Ny antsasakareo. Efa fantatrareo ve fa ny fiangonana Metodista dia efa saiky nahazo ny Fanahy Masina indray mandeha? Efa nandeha tany amin'ireo fiangonana Metodista aho ary nahita azy ireo nianjera teo amin'ny gorodona, ary nanipy rano teo amin'ny tavany ka nikopakopaka azy ireo tamin'ny fikopahana iray, nanakana ny Fanahy Masina tsy ho tonga teo amin'izy ireo. Marina izany. Ankehitriny, izany no fahamarinana, tany amin'ireo havoan'i Kentucky izay nanananay an'ireo Metodista. Mpikambana amin'ny fiangonana ianareo zalahy eto ireo. Nanana an'ireo Metodista izahay tany, sy ireo Batista. Nandohalika teo amin'ny alitara izahay ary nifampikapokapoka tao amin'ny lamosina mandra-pahazoanay zavatra iray. Tonga izahay, niaina hafa taorian'izany.

²⁸ Fa manatona fotsiny ianareo ary mametraka ny anaranareo eo amin'ilay boky ka manao hoe, "Metodista aho." Dia maka an'ilay fitoeran-tsira ka mamafy rano kely eo aminareo, dia izany ihany ny amin'ilay izy. Mivoaka ary manao sorta, lokontarehy, mandeha any amin'ny hazakaza-tsoavalys, manao loka, miloka, milalao milina filalaovam-bola sy ny zavatra hafa rehetra, mbola Metodista tsara foana, hitanareo. Tsy izany no Metodista. Izany no mpikambana amin'ny fiangonana fotsiny. Marina izany. Batista, mitovy ihany, Presbyterana, mitohy mitovy ihany.

²⁹ Araka ny nolazain'i David duPlessis hoe, "Ireo zafikely, tsy manana zafikely Andriamanitra." Tsy nanana zafikely iray mihitsy Andriamanitra. Manana zanaka Izy, fa tsy zafikely. Marina izany. Ianareo...ary ny olona izay miditra ao amin'ny fiangonana Metodista, na fiangonana Pentekotista, na fiangonana Batista, satria ny reninareo na ny rainareo dia Pentekotista na Batista, amin'izay fotoana izay dia zafikely iray ianareo. Efa zanaka izy ireo. Zafikely iray ianareo, hitanareo. Noho izany dia tsy manana zavatra tahaka an'izany Andriamanitra. Ny fiangonana no manana betsaka an'izany, fa tsy—fa tsy ny—tsy ny—tsy... Andriamanitra tsy manana.

³⁰ Ankehitriny, mariho ireo, mitohy midina hany ka tonga izy ankehitriny, raha lasa ao amin'ny havitsiana, ilay fiangonana. Tonga ny taona Pentekotista. Nandrantsana mivontovonto betsaka tokoa izany. Avy eo dia inona no nataon'izany? Namela ny Metodista sy ny Loterana rehetra tany aoriana izany.

³¹ Ankehitriny dia nanohy avy hatrany nanalavitra ny taona Pentekotista ny Fanahy Masina. Inona no nataon'izy ireo? Nandrafitra izy ireo, nanao ny tenany hoe, "Izahay dia Assemblées de Dieu. Izahay dia an'ny Tokana. Izahay dia an'ny Roa. Izahay dia fiangonan'Andriamanitra. Izahay dia *ity*, na *itsy*. Raha tsy mikambana ianareo, tsy afaka hiditra any Andriamanitra raha tsy manana ny anaranareo eo amin'ny bokinay." Oh, fahadalana tahaka an'izany! Tsy ahoako na Batista ianareo, Metodista, Presbyterana, mametraka ny anaranareo eo amin'ny Bokin'ny Fiainana ianareo rehefa Andriamanitra no mametraka an'izany eo. Raha voafidy mialoha ho amin'ny Fiainana Mandrakizay ianareo, dia hiantso anareo amin'ny fomba iray Andriamanitra, na manao ahoana na manao ahoana, fomba iray—iray na hafa. Azo antoka fa hiantso Izy. "Izay rehetra nomen'ny Ray Ahy no hanatona Ahy." Tsy mampaninona izay fiangonana ikambananareo, tsy misy idiran'io amin'izany. Fa tsy hanao zavatra anankiray aminareo mihitsy ny anarampiangonana, afa—tsy ny hisakana anareo betsaka tsy hanohy hijaraka amin'Andriamanitra, fa izany dia—izany dia tsy hanao na inona na inona hafa mihitsy. Manangona anareo miaraka amin'ny andiana mpino sy tsi-mpino. Mazava ho azy, mahita an'izany ianareo na aiza na aiza alehanareo, ary nanana an'izany

mihitsy aza izy ireo tany An-danitra. Noho izany, mety tsara izany, saingy mijery ny anaram-piangonanareo ianareo. Mijere an'i Jesosy, Izy no Anankiray ho jerena.

³² Ankehitriny raha tonga mihitsy isika eo amin'ny . . . izy ireo dia . . . Firy . . . Mino aho fa ity vehivavy eto ity no nanangana ny tanany, hoe efa nianatra an'ireo pyramida ianao. Fantatrareo, tsy nisarona mihitsy ilay pyramida. Sa tsy izany? Tsy nanana vatosarona iray mihitsy nipetraka teo amboniny. Izy ireo dia tsy mihitsy, tsy afaka hahita an'izany akory aza. Tsy fantatr'izy ireo hoe inona no mba nitranga tamin'izany. Nahoana? Nahoana no tsy nipetraka teo amboniny ilay vatosarona, ilay vatotendro, teo an-tampon'izany? Satria nolavina Izy rehefa tonga Izy. Izy no ilay Vato nolavina. Marina izany. Saingy ho voasarona izany. Marina izany. Ary avy eo ireo vato izay mety tsara manodidina an'io Vatotendro io, dia tsy maaintsy ho vato izay tena hitovy tanteraka amin'io Vato io, izay hety tsara amin'izany, hikambana ary hatraiza—hatraiza hatraiza. Tena tanteraka ilay pyramida ka tsy afaka hampiditra hareza iray eo anelanelan'izy ireo ianareo, eo amin'izay ikambanan'ireo vato ireo. Tena rafitra tsara tarehy. Ny sasany amin'izy ireo dia nilanja an-jatony taonina eny amin'ny habakabaka ambony, ary mipetraka miaraka tanteraka tokoa.

³³ Tahaka an'izany no itondran'Andriamanitra Ny Fianganany. Mikambana miaraka mety tsara isika, fo iray sy saina iray. Ankehitriny hoy ny olona iray hoe, "Eny, tsy nanana na inona na inona ireo Loterana tany aoriana tany ireo." Aza mino an'izany ianareo. Ireo Loterana dia hivoaka ao amin'ny fitsanganana tahaka ny hivoahan'ny sisa mihitsy ao amin'ny fitsanganana. Batista, Presbyterana, ary ireo zanak'Andriamanitra rehetra, dia hivoaka ao amin'io fitsanganana io. Ary izany no antony ilazan'ny olona amin'izao andro izao hoe, "Oh, eny, hisy fifohazana mahafaoka iray izay handeha eto ka hamonjy Pentekotista zato tapitrisa. Ho voavonjy izy rehetra ka hisy ny Fampakarana." Diso ianareo. Io Fampakarana io dia ho an'alinalina, marina izany, saingy izy ireo dia ho vokatra iray an'ny enina arivo taonan'ny famonjena ihany koa, enina arivo taona lasa. Mandeha ao amin'ny Hazavana ny olona arakaraky ny ahatongavan'ny Hazavana eo aminy, miampita an'ireo tetezana izy rehefa tonga eo amin'izy ireo. Ankehitriny, raha mandà an'Izany izy, amin'izay fotoana izay dia tavela ao anatin'ny aizina izy. Fa raha manohy mandroso izy!

³⁴ Ankehitriny, mariho, noho izany dia tena antomotra akaiky ny Fihavian'ny Tompo Jesosy hany ka ny Fanahy izay nanomboka teto ambany teto . . . zara raha fanamarinana fotsiny, fanamasinana, batisan'ny Fanahy Masina, ary ankehitriny dia ao amin'ny fotoan'ny fihavian'ilay Vatotendro mihitsy. Tokony ho tena tanteraka tahaka an'i Kristy ilay Fianganana hany ka Kristy sy ilay Fianganana dia afaka

hikambana miaraka, ilay Fanahy iray ihany. Ary raha ny Fanahin'i Kristy no ao anatinareo, dia Izany no manao anareo hiaina ny fiainan'i Kristy, hihetsika amin'ny fiainan'i Kristy, hanao an'ireo asan'i Kristy. "Izay mino Ahy, ireo asa izay Ataoko no hataony koa." Jesosy no nilaza an'izany. Hitanareo? Ankehitriny isika dia hanana, manana asam-panompoana iray ho avy isika izay hitovy marina tokoa amin'ny fiainan'i Kristy. Inona no tondron'io asam-panompoana io? Ny Fihavian'ny Tompo.

³⁵ Jereo izany ao amin'izao tontolo izao androany, ka diniho izay lazain'i Khrushchev, ireo zavatra hafa lehibe ireo, ary ireo fifanoherana lehibe maneran-tany antomotra mihitsy, amin'ny fotoana rehetra, dia mety ho lasa vovoka amin'ny segondra rehetra. Marina izany. Ary raha izany, dia fantatsika fa akaiky izany. Ny olona tonga saina rehetra dia afaka mamaky ao amin'ny gazety na mihaino radio, ka mahafantatra fa akaiky izany. Eny, tsarovy, tonga ho an'Ny Fiangonany Kristy mialohan'ny hitrangan'izany. Noho izany dia akaiky toy ny ahoana ny Fihavian'ny Tompo Jesosy? Angamba alohan'ny ifaranan'ity favoriana ity izao hariva izao. Eo amin'ny andro farany isika. Marina tokoa.

³⁶ Diniho ilay fiangonana raha mandeha izy, raha mandroso izy. Raiso fotsiny ao an-tsainareo manokana izany, ianareo mpahay tantara izay mianatra ny tantara. Jereo ilay fiangonana Loterana izay eo ambanin'ny fanamarinana, vao avy nivoaka mihitsy tamin'ny Katolisisma, jereo izy mandroso. Avy eo dia jereo i Wesley manatona akaiky kely kokoa, ao amin'ny fanamasinana, mitsofoka kely ao amin'ny Soratra. Jereo tsara ny eo anelanelany, ilay Wesley. Avy eo ny zavatra manaraka izay tonga dia ny taona Pentekotista. Ary ilay taona Pentekotista miaraka amin'ny famerenana an'ireo fanomezam-pahasoavana, ireo fanomezam-pahasoavana ara-panahy. Ankehitriny, jereo ilay taona tonga ankehitriny eo amin'ilay Vatotendro mihitsy. Hitanareo ve izay tiako lazaina? Ny Fihavian'ny Tompo, ilay nampahafantarina. Andriamanitra sy ireo famoronana rehetra dia miandry ny fiangonana hahita ny toerany ara-toerana.

³⁷ Ny olona amin'izao andro izao, izaho...saiky ny olona rehetra izay nihaonako. Navadibadika aho, izahay dia nanao... Tsy maintsy nanao fizahana ara-batana iray aho, fantatrareo, raha handeha any am-pitan-dranomasina izahay, ianareo misionera sy ny sisa dia mahafantatra an'izany. Rehefa nanao fizahana aho dia nitondra ahy nivoaka ny efitra izy ireo tany, nisotro an'io ratsy...toy ny hoe koba amiko, na lafarinina, na zavatra, ary izaho—nosotroiko ilay izy. Ary nivoaka teo, nipetraka, niandry nandritry ny antsasak'adiny ka hahita na nivoaka ny vavoniko ilay izy na tsia. Nijery nanerana teo aho, ka nisy vehivavy kely iray, toy ny hoe ho faty fotsiny izy. Izy dia tena...ireo ranjo kely sy sandry kely. Ary nanohy nandeha

aho avy tamin'ity lehilahy ity nankeo amin'itsy lehilahy itsy, ity lehilahy ity nankeo amin'itsy lehilahy itsy, nanakaiky azy kokoa, mandra-pahatongako teo amin'izay nisy azy. Toy ny zavatra kely mahantre izay ho faty izy. Dia nitsangana teo akaikiny aho, hoy aho hoe, "Azafady, madama."

Hoy izy hoe, "Manao ahoana ianao?" Oh, tena narary izy!

Dia hoy aho hoe, "Inona no tsy mety?"

³⁸ Hoy izy hoe, "Nandeha nankany Tucson aho mba hamangy ny zanakovavy. Narary aho, tsy afaka nahita izay tsy mety izy ireo."

³⁹ Hoy aho hoe, "Misy zavatra anankiray izay tiako hanontaniana anao." Hoy aho hoe, "Mpitory Filazantsara aho. Kristiana ve ianao? Vonona ny handeha ve ianao raha ho tonga izany ora izany?"

Dia hoy izy hoe, "Mikambana amin'ny fiangonana *izao-sy-izao* aho."

⁴⁰ Hoy aho hoe, "Tsy izany ilay fanontaniana napetrako taminao. Kristiana feno ny Fanahin'Andriamanitra ve ianao ka vonona ny handeha raha miantso anao Izy?" Tsy fantatr'ilay vehivavy akory aza izay noresahako. Hitanareo? Oh, fijery mahonena toy ny inona no misy an'izao tontolo izao!

⁴¹ Ankehitriny, "mampahafantatra antsika an'ireo zava-miafin'ny Sitrapony," ny fihaviana... Mamelà ahy hamaky zavatra iray aminareo. Izaho dia efa namaky... Ndao isika hamadika ankehitriny eo amin'ny "ny zava-miafin'ny Sitrapony." Ndao isika hamadika ao amin'ny Hebreo eto iray minitra fotsiny, ny toko faha-7-n'ny Hebreo, mino aho fa izay ilay izy. Ary tiako ny hamaky zavatra iray aminareo izay hanao anareo hahatsapa ho tena tsara mihitsy rehefa mieritreritra antsika mipetraka miaraka ao amin'ireo toeran-Danitra isika. Hebreo, ny toko faha-7.

Fa io Melkizedeka io, (diniho ankehitriny) mpanjakan'i Salema, mpisoron'Andriamanitra avo indrindra, ...

⁴² Inona ilay zava-miafina ankehitriny? Ity ilay zava-miafina, diniho ity. Iza ity Lehilahy ity, "manao, mahafantatra, ny zava-miafin'ny Sitrapony," ity Melkizedeka ity? Miandry ny olona rehetra aho eto, mbola mivadibadika ireo Baiboly. Hebreo, toko faha-7, Paoly no miteny, ilay lehilahy iray ihany an'i Galatiana.

Fa io Melkizedeka io, mpanjakan'i Salema, mpisoron'Andriamanitra avo indrindra, ... dia nitsena an'i Abrahama niverina avy tamin'ny famonoana an'ireo mpanjaka, ka nitso-drano azy;

Izay nomen'i Abrahama ihany koa ny ampahany, ampahan'ny ampahafolon'ny rehetra; voalohany raha adika, raha adika dia Mpanjakan'ny fahamarinana, ...

aorian’izany . . . Mpanjakan’i Salema, (Iza ity Lehilahy ity?) izany hoe, Mpanjakan’ny fiadanana;

Tsy manan-dray, tsy manan-dreny, tsy manana tantaram-pirazanana, tsy manana na voalohan’andro, na fiafaran’ny fiaimana; . . .

⁴³ Iza ity Lehilahy ity? Iza Izzy? Tsy nanana ray mihitsy Izzy, tsy nanana reny mihitsy Izzy, tsy nanana izay Nanombohany mihitsy Izzy, na nanana fotoana iray izay hany Hahafatesany mihitsy. Nitsena an’i Abrahama avy tamin’ny famonoana an’ireo mpanjaka Izzy. Inona no nataony? Nandeha izy mba haka an’i Lota, ny rahalahiny very, mba hamerina azy. Ary namono an’ireo mpanjaka izy; fa, ireo mpanjaka ireo dia efa namono; mino aho fa mpanjaka folo na dimy ambin’ny folo, sy ireo fanjakany. Fa nampitao fiadiana an’ireo mpanompony Abrahama ka nandeha nitady azy, nampisaraka ny tenany tamin’ny alina, hitanareo, rehefa azony tamin’ny andro alina izy. Oh, rahalahy, miasa ao anatin’ny aizina isika ankehitriny, ny Hazavana tokana izay ananantsika dia ny Hazavan’ny Filazantsara. Fa nanasaraka ny tenany izy, ary nahazo azy ka namerina azy. Ary teo amin’ny lâlany niverina izy, rehefa vita ny ady!

⁴⁴ Ndao isika handeha ao amin’ny Genesisy 14, iray minitra fotsiny, hanao an’ilay tantara ho mazavazava kokoa. Ndao isika handeha ao amin’ny Genesisy, ny fahe- . . . mino aho fa ny faha-14 ilay izy, Genesisy 14. Eny, ndao isika haka ny Genesisy 14:18, hanomboka. Ndao isika hanomboka eo aloha kelin’izany. Ndao isika hanomboka, hia, ny andininy faha-18, Genesisy 14:18, “Ary Melkizedeka. . .” Ankehitriny, izany dia i Abrahama niverina ankehitriny avy tamin’ny famonoana an’ireo mpanjaka. Niverina, teo amin’ny lâlany niverina, namerina an’i Lota, ny olona rehetra izay nalain’izy ireo. Ny rehetra!

⁴⁵ Tahaka an’i Davida, izay nandeha ka naka an’ilay. . . Inona no nataon’i Davida? Nitondra an’ilay antsamotady kely, nandeha ka nandramby an’io zanak’ondry kely io avy teo amin’ny vavan’ilay liona. Eritrereto ny antsamotady iray, mandeha manaraka zanak’ondry iray. Iza marina no hanao an’izany? Teneno amiko hoe lehilahy iza ato no hanao an’izany, atsangano ny tânaranareo. Ho teneniko aminareo haingana mihitsy fa diso ianareo. Tsy nahita ahy nanangana ny ahy ianareo. Tsia, tsy handeha hanaraka azy amin’ny telopolo-aotra-enina aho, saiky. Fa nandeha nanaraka azy tamin’ny antsamotady iray izy, toy ny silaka hoditra kely iray, miaraka amin’ny tady roa eo aminy, nanodinkodina an’izany. Satria. . . Ary rehefa tonga ny fotoana nanaovan’i Goliata ny fireharehany, dia nanenjika an’i Goliata izy, ka hoy izy hoe, “Ilay Andriamaniry ny Lanitra dia namela ahy hanafaka zanak’ondry iray avy teo am-bavan’ny liona, avy teo am-bavan’ny bera.” Fantany fa tsy antsamotady iray izany. Izany dia

ny herin'Andriamanitra izay nandeha niaraka taminy. Izy ilay Anankiray izay namerina an'io zanak'ondry io.

⁴⁶ Ary izany no lazaintsika androa ny Manana an'ireo Davida mipetraka manodidina Andriamanitra, eny tompoko, izay mamahana ny ondrin'ny Ray. Ary matetitetika dia ho tonga ny fivontosana iray, na ho tonga ny homamiadana iray, na zavatra iray, ka hitsambikina hiala amin'ireo tangan'ny dokotera mihitsy. Tsy hampijanona an'io Davida io izany, handeha hanohy eo izy hanenjika an'io olona io, miaraka amin'ny antsamotady kely iray, hoe, "Angataho ny zavatra rehetra amin'Ny Anarako, fa homena izany." Tsy ahoako, afaka mihomehy ireo dokotera, ary afaka maneso azy ny olona hafa rehetra, handeha hanenjika azy izy na ahoana na ahoana, hamerina an'io ondry io ho ao amin'ny vala. Eny, tompoko. "Zanak'Andriamanitra izy, esory aminy ny tanganao!" Nandavo an'io liona io, avy eo dia niarina ilay liona, nandramby azy teo amin'ny volombava izy ary namono azy; zazalahy kely bitika mena hoditra, angamba milanja valopolo na sivifolo livatra.

⁴⁷ Diniho. Melkizedeka, ilay Mpanjakan'i Salema izany hoe Mpanjakan'ny Fiadanana, fa mipetraka eo am-pitan'ilay havoana tokoa i Salema. Izany no Mpanjakan'i Jerosalema, izay Izy. Izany marina tokoa Izy, Mpanjakan'i Jerosalema. Fa, Jerosalema dia nantsoina hoe Salema tamin'ny voalohany, izany hoe fiadanana; izany dia Jerosalema tamin'ny voalohany, talohan'ny niantsoana azy hoe Jerosalema. Izy no Mpanjakan'i Jerosalema. Izy no Mpanjakan'ny fahamarinana, ny Mpanjakan'ny fiadanana, ny Mpanjakan'i Salema. Tsy nanandray Izy, tsy nanan-dreny Izy, tsy nanana fiandohan'andro Izy, tsy nanana fiafarana'ny fiaainana Izy, tsy nanana tantaram-pirazanana Izy. Oh, oh, oh! Iza ity Lehilahy ity? Diniho Izy. Rehefa tapitra ny ady, rehefa azo ny fandresena, dia diniho izay Nolazainy. "Ary Melkizedeka," ny andininy faha-18, ny toko faha-14, Genesisy.

Ary Melkizedeka mpanjakan'i Salema dia nitondra mofo sy divay: ary izy no mpisoron'Andriamanitra avo indrindra.

Ary nitso-drano azy izy, ka nanao hoe, Hotahian'Andriamanitra avo indrindra anie i Abrama, tompon'ny lanitra sy tany:

Ary isaorana anie Andriamanitra avo indrindra, izay efa nanolotra ny fahavalonao teo an-tanganao. Ary izy nanome azy ny ampahafolon'ny rehetra.

⁴⁸ Ndao isika hamaky lavidavitra kely kokoa.

Ary hoy ny mpanjakan'i Sodoma tamin'i Abrahama, Omeo ahy ny olona, fa ento ny fananana ho anao ihany.

Fa hoy i Abrama tamin'ny mpanjakan'i Sodoma, Izaho efa nanangana ny tanganako tamin'ny TOMPO,

Andriamanitra avo indrindra, ilay tompon'ny lanitra sy ny tany, (Henoy hoe toy ny ahoana no nanafohezany an'izany, ham, ahoana no nanomezany azy an'izany!)

Fa izaho tsy handray taretra iray na fehin-kapa iray akory aza, ary dia tsy handray zavatra anankiray aho, tsy zavatra iray izay... sy mety lazaina, ary izay avy amin'ny anao, fandrao ianao dia hilaza hoe, Izaho no nanao an'i Abrama hanan-karena:

Afa-tsy izay nohanin'ireo tovolahy fotsiny ihany, . . .

⁴⁹ Mariho ity Melkizedeka ity vantany vao nitsena an'i Abrahama avy tamin'ny famonoana an'ireo mpanjaka Izy. Ilay zava-miafin'Andriamanitra izay ampahafantarina ankehitriny! Iza Izy? Tsy nisy olona . . . Tsy afaka mahita tantara iray ny Aminy izy ireo, satria tsy nanana ray Izy, tsy nanana reny Izy, tsy nanana fotoana Niandohany mihitsy Izy, tsy nanana fotoana izay hany Nahafatesany mihitsy Izy, noho izany na Iza Izy na iza dia mbola velona foana. Tsy nanana fiandohana iray mihitsy Izy, noho izany Izy dia tsy nety ho olona hafa afa-tsy El, Elah, Elohim; nisy tamin'ny alàlan'ny tenany, mitoetra amin'ny alàlan'ny tenany, Andriamanitra Tsitoha!

⁵⁰ Jesosy dia nanana Ray iray, Jesosy dia nanana reny iray; Jesosy dia nanana fiandohan'andro, Jesosy dia nanana fiafaram-piaainana teto an-tany. Fa ity Lehilahy ity dia tsy nanana na ray na reny, amena, tsy nanana ray na reny. Jesosy dia nanana Ray sy reny. Ity Lehilahy ity dia tsy nanana na ray na reny. Amena. Ary inona no Nataony, rehefa nifarana ny ady, rehefa avy naka ny toerany i Abrahama?

⁵¹ Rehefa avy maka ny toerany ny fiangonana, dia nantsoina ho amin'ny fananganan-janaka isika, tamin'ny alàlan'ny Fanahy Masina. Ary rehefa maka ny toerana ny olona tsirairay, izay niantsoan'Andriamanitra azy mba hataony, ka mijoro hatreo amin'ny faran'ny lèlana, mitady ny very.

⁵² Voalohany, esorin'i Paoly ny tahotra rehetra ny amin'izany, noho izany ankehitriny, "Raha nantsoina ianareo, raha tsy mikorontana fotsiny ianareo ao an-tsainareo nohon'ny karazana teolojia iray; raha tena nateraky ny Fanahy marina tokoa ianareo, amin'izay fotoana izay dia Andriamanitra no nifyd anareo mialoha talohan'ny fanorenana an'izao tontolo izao, nametraka ny anaranareo teo amin'ny Bokin'ny Fiainan'ny Zanak'ondry, ary ankehitriny dia tonga miaraka isika mba hipetraka ao amin'ireo toeran-Danitra ao amin'i Kristy Jesosy. Vahoaka masina iray, firenena masina iray, vahoaka hafa iray, asam-pisoronam-panjaka, manolotra fanatitra ara-panahy ho an'Andriamanitra, izany hoe, ny vokatr'ireo molotsika izay manolotra ny dera ho an'Ny Anarany."

⁵³ Tonga ny olona ka manao hoe, "Adala ireo olona ireo." Azo antoka fa izany izy ireo; ny fahendren'Andriamanitra

dia fahadalana amin'ny olona, ary ny fahendren'ny olona dia fahadalana amin'Andriamanitra. Mifanohitra izy ireo, ny iray amin'ny hafa.

⁵⁴ Fa ny tena fiangonana iray feno ny Fanahy, feno ny herin'Andriamanitra, mipetraka miaraka ao amin'ireo toeran-Danitra, manolotra fanatitra ara-panahy, ireo fiderana an'Andriamanitra, ny Fanahy Masina mihetsika eo anivon'izy ireo, mamantatra ny fahotana ka miantso an'ireo zavatra izay tsy mety eo anivon'izy ireo, manitsy ary manao an'izany hahitsy sy voalamina. Satria nahoana? Misy an'io Fanatitra mandeha rà io foana eo amin'ny Fanatrehan'Andriamanitra.

⁵⁵ Tsarovy ankehitriny, efa nandalovantsika izany aninkeo maraina. Tsy novonjena tamin'ny Rà ianareo, fa ianareo dia *mijanona* voavonjin'ny Rà. Fa voavonjy tamin'ny alàlan'ny fahasooavana ianareo, tamin'ny finoana, nino an'Izany. Nandondòna teo amin'ny fonareo Andriamanitra satria nifidy anareo mialoha Izy. Niandrandra ianareo ary nino an'izany, nanaiky an'izany. Ankehitriny dia ny Rà no manao fanaovam-panavotana iray ho an'ny fahotanareo. Tsarovy, hoy aho hoe, "Tsy manameloka mpanota iray Andriamanitra satria manota." Mpanota iray izy eo am-panombohana. Manameloka Kristiana iray Izy satria manota. Ary noho izany satria efa nanameloka azy Izy, dia Kristy no naka ny fanamelohantsika. Noho izany dia tsy misy fanamelohana ho an'ireo izay ao amin'i Kristy Jesosy, izay tsy mandeha araka ny nofo, fa araka ny Fanahy. Ary raha manao zavatra ratsy ianareo, dia tsy fanahy iniana izany. Tsy minia manota ianareo. Ny olona izay minia manota, mivoaka ka minia manota, dia tsy mbola niditra tao amin'io Vatana io mihitsy. Fa ny olona izay ao indray mandeha, dia maty izy, ary ny fainany dia miafina ao amin'Andriamanitra, amin'ny alàlan'i Kristy, voaisy tombokase an'ny Fanahy Masina, ka tsy afaka mahita azy akory aza ny devoly, tena ao anatiny lavitra ao izy. Tsy maintsy hiala avy ao izy alohan'ny hany hahazoan'ny devoly azy. "Fa maty ianareo!"

⁵⁶ Teneno amin'ny olona maty iray hoe mpihatsaravelatsihy izy dia jereo izay mitranga. Dakao eo amin'ny andilany izy ka manaoa hoe, "ianao mpihatsaravelatsihy ratsy, ianao," tsy hilaza teny iray izy. Ary marina izany, hitsilany eo fotsiny izy.

⁵⁷ Ary ny olona iray izay maty ao amin'i Kristy, dia afaka hiantso azy hoe mpihatsaravelatsihy ianareo, hiantso azy amin'ny zavatra rehetra izay tianareo hiantsoana, fa tsy hitsangana eo mihitsy izy mikasika an'izany. Raha misy zavatra iray, dia hitsoaka any ho any izy ka hivavaka ho anareo. Marina izany. Fa, oh, ny sasany amin'izy ireo dia tena mbola velona tokoa. Izany no eritreretiko, natao handevina ny olona maty isika. Ireo izay maty ao amin'i Kristy, dia alevintsika ao anaty rano izy ireny. Matetika isika dia mandevina olona marobe izay velona, fo lentika betsaka sy fifandrafiana, ary misy maro be

ao anatin'ny fiangonana. Saingy tsy afaka manavaka an'izany isika, fa Andriamanitra dia afaka. Fantany ny Olony. Fantany ny Ondriny. Fantany ny feo tsirairay. Fantany ireo Zanany. Fantany hoe iza no Azony antsoina, Fantany hoe iza no Nofidiany mialoha. Fantany hoe iza no Nomeny an'ireo zavatra, izay Nampahafantariny ny Tenany. Ahoana Izy...Andriamanitra dia afaka mametraka fahatokisana ao amin'ireo Zanany, eo amin'izay hatao, eo am-pahafantarana fa hanao marina tokoa izy ireo.

⁵⁸ Mino ve ianareeo fa manao an'izany Andriamanitra? Nahoana, Satana dia nilaza tamin'i—tamin'i Joba indray andro...nilaza tamin'Andriamanitra indray andro hoe, "Hia, manana mpanompo iray Ianao."

⁵⁹ Hoy Andriamanitra hoe, "Tsy misy tahaka azy eny ambonin'ny tany. Lehilahy iray tanteraka izy." Nanana fahatokiana azy.

⁶⁰ Hoy i Satana hoe, "Oh, eny, manana ny zavatra rehetra mora izy. Avelao aho hahazo azy vetivety ka hanao azy hanozona Anao eo amin'ny Tavanao."

⁶¹ Hoy Izy hoe, "Eo an-tananao izy, saingy aza esorina ny ainy." Hitanareo? Ary nanao ny zavatra rehetra izy afa-tsy ny nanala ny ainy.

⁶² Saingy, oh, Joba, raha tokony...inona no nataony? Nanozona an'Andriamanitra ve izy rehefa naka an'ireo zanany Andriamanitra, rehefa nanao an'ireo zavatra ratsy rehetra ireo taminy izy, ary ny zavatra rehetra? Tsy nanontany i Joba. Lavo tamin'ny tavany izy ary nanompo, haleloia, nanao hoe, "Ny Tompo no nanome ary ny Tompo no nanaisotra, isaorana anie ny Anaran'ny Tompo!" Eo ianareo izao.

⁶³ Fantatr'Andriamanitra ny Fahatokiany an'i Joba. Fantatr'Andriamanitra hoe hatraiza no Ahafahany hatoky anareo. Fantany hoe hatraiza no Ahafahany hatoky ahy. Saingy ny resahantsika ankehitriny dia ny fametrahana an'io zanaka io.

⁶⁴ Ankehitriny, rehefa ny Baiboly...Rehefa mifarana ny ady rehetra, rehefa tapitra ny zavatra rehetra, amin'izay fotoana izay dia inona ilay zavatra manaraka ataontsika? Inona ilay zavatra izay ataontsika rehefa mifarana ny ady? Efa fantatrareo ve izay ataontsika? Mihaona amin'i Melkizedeka isika. Ndao isika hamadika ao amin'ny Matio 16:16, haingana mihitsy, hahita na marina izany na tsia. Masindahy Matio, ny toko faha-16 ary ny andininy faha-16. Tena azoko antoka fa marina izany, Matio 16:16. Matio eni-...Tsia, diso izany, tsy mety ho akaiky tahaka an'izany. 26:26. Oh, 16 eto, miresaka amin'i Simona Petera Izzy; azafady, tsy izany no tiako lazaina. 26:26, satria ilay sakafy hariva farany mihitsy, izany no ezahako hahatongavana. Matio, ny toko faha-26 ary ny andininy faha-26. Ankehitriny dia azontsika izy, eo isika izao, eo amin'ilay sakafy hariva farany.

Ary raha mbola nihinana izy ireo, dia nandray ny mofo Jesosy, dia nisaotra an'izany, sy namaky azy, ary nanome azy ho an'Ireo mpianany, ka nanao hoe, Raiso, hano; ity no tenako.

Ary nandray ny kapoaka izy, ary nisaotra, dia natolony azy ireo izany, nanao hoe, Sotroinareo rehetra ity;

Fa ity no ràko ny amin'ny fanekena vaovao, izay nalatsaka ho an'ny maro ho famelàna ny fahotana (f-a-h-o-t-a-n-a, fahotana, ireo Kristiana izay manao zavatra ratsy).

- ⁶⁵ Eny àry, “Fa—fa . . .” Henoy, andininy faha-29.

...Lazaiko aminareo, fa hatramin'izao aho dia tsy hisotro avy amin'ny vokatry ny voaloboka intsony, mandra-pihavin'ny andro izay isotraoko an'izany indray miaraka aminareo ao amin'ny fanjakan'ny Raiko.

- ⁶⁶ Inona? Ilay zavatra iray ihany izay nataon'i Melkizedeka rehefa avy naka ny toerany i Abrahama. Nandamina an'ireo lehilahiny, ary nandresy tamin'ny ady, ka nandeha nody, ary tonga i Melkizedeka niaraka tamin'ny mofo sy divay. Rehefa tapitra ny ady, amin'izay fotoana izay dia hihinana ny Sakafo harivan'ny Mpanambady isika miaraka amin'ny Tompo Jesosy ao amin'ilay tontolo vaovao. Oh, isaorana anie ny Anaran'ny Tompo. Eny àry.

- ⁶⁷ “Ireo zava-miafin’ny Sitrapony, araka ny Fankasitrahany tsara,” miverina indray ankehitriny ao amin’ny Efesiana, 9, “izay Nokasain’ny Tenany.”

Izay amin'ny andro voatendry an'ny fahafenoan'ny fotoana . . .

- ⁶⁸ Ary tsarovy izany, vao avy nandalovantsika izany. Efesiana, toko faha-1, andininy faha-10.

Izay amin'ny andro voatendry an'ny fahafenoan'ny fotoana . . .

- ⁶⁹ Ankehitriny, nianarantsika fa ny fahafenoan’ny fotoana dia miandry inona? Ny fahafenoan’ny fotoana, ny fotoana izay hitsaharan’ny fahotana, ny fotoana izay hitsaharan’ny fahafatesana, ny fotoana izay hitsaharan’ny aretina, ny fotoana izay hitsaharan’ny fahotana, ny fotoana izay ny fanimbàna rehetra (ireo zavatra simba, izay nosimbain’ny devoly) dia hitsahatra, rehefa ny fotoana izy tenany no hitsahatra. Diniho.

Izay amin'ny andro voatendry an'ny fahafenoan'ny fotoana izay azony hanangonana . . . ny zavatra rehetra ho iray ao amin'i Kristy, na ireo izay any an-danitra, na ireo izay ety ambonin'ny tany; ho ao aminy mihitsy aza:

⁷⁰ “Manangona ny zavatra rehetra amin’ny alàlan’i Kristy.” Araka ny nolazaiko aninkeo maraina, ny poti-bolamena kely rehetra izay hitantsika, ireo zavatra kely malaza, afaka mampangirana azy ireo ao amin’ny Genesisy ianareo, afaka mampangirana azy ireo ao amin’ny Eksodosy ianareo, afaka mampangirana azy ireo ao amin’ny Levitikosy ianareo, ary mitondra azy ireo mitohy, ary ao amin’ny Apokalypsy izy ireo dia hiafara ho Jesosy. Raiso i Josefa, raiso i Abrahama, raiso i Isaka, raiso i Jakoba, raiso i Davida, raiso ny tsirairay avy amin’ireo poti-bolamena ireo, ireo lehilahin’Andriamanitra ireo, dia jereo raha tsy mahita an’i Jesosy Kristy miseho ao anatin’ny tsirairay avy amin’izy ireo ianareo. “Izay Azony hanangonana ny zavatra rehetra ao amin’ny Anankiray, Kristy Jesosy.”

⁷¹ Ankehitriny, lavidavitra kely ankehitriny, ankehitriny ny andininy faha-11.

Tao aminy koa no nandraisantsika lova iray, . . .

⁷² Oh, “lova iray.” Olona iray no tsy maintsy mamela zavatra ho ianareo, mba handova an’izany. Marina ve izany? Lova iray! Lova inona no ananantsika? Lova inona no nananako? Tsy nanana anankiray aho. Fa namela lova iray ho ahy Andriamanitra rehefa nametraka ny anarako tao amin’ny Bokin’ny Fiainan’ny Zanak’ondry Izy talohan’ny fanorenana an’izao tontolo izao.

⁷³ Oh, hoy ianareo hoe, “Ankehitriny, andraso iray minitra, rahalahy, Jesosy no nanao an’izany rehefa maty ho anao Izzy.” Tsia, tsy nanao mihitsy Izzy. Tonga mba hividy an’io lova io ho ahy Jesosy. Vakio ilay tena manaraka ny and- . . . tena andalana manaraka.

*Tao aminy koa isika no nandray miharihary . . .
nandray lova iray, rehefa voafidy mialoha araka ny
ny fikasan’izay mahefa ny zavatra rehetra araka ny
fikasan’ny sitrapony tsara manokana:*

⁷⁴ Andriamanitra, talohan’ny fanorenana an’izao tontolo izao, araka ny nandraisantsika azy nanerana ny lesona, ianareo olona, ahoana no nahitantsika fa Andriamanitra dia nisy tamin’ny alàlan’ny tenany, ahoana fa fitiavana no tao Aminy. Tao Aminy ny ho Andriamanitra; tsy nisy na inona na inona hanompo Azy. Tao Aminy ny ho Ray iray; nisy . . . Izzy dia nisy tamin’ny alàlan’ny Tenany. Tao Aminy ny ho Mpamorony iray; tsy nisy na inona na inona very. Tao Aminy ny ho Mpanasitrana iray. Izany ireo Toetrary. Tsy nisy na inona na inona teo. Noho izany Ny Tenany manokana, ny Fikasany tsara Manokana no namokatra an’ireo zavatra ireo, mba Ahafahany amin’ny alàlan’ity Lehilahy anankiray ity, Kristy Jesosy, hanangona azy rehetra miaraka indray. Oh! “Tsy mbola hitan’ny maso, ny sofina tsy mbola . . .” Tsy mahagaga raha zavatra iray mahagaga ilay izy!

⁷⁵ Jereo, “efa nifidy antsika mialoha ho amin’io lova io.” Raha mpandova marina an’ny zavatra iray aho, raha mandondòna eo

amin'ny foko Andriamanitra ka manao hoe, "William Branham, efa ela be no Niantsoako anao, talohan'ny fanorenana an'izao tontolo izao, mba hitory ny Filazantsara," dia manana lova iray aho, lova iray an'ny Fiainana Mandrakizay. Ankehitriny, nandefa an'i Jesosy Andriamanitra mba hanao an'io lova io ho tena misy amiko, satria tsy nisy na inona na inona azoko natao mba—mba handovana an'izany. Tsy nisy soratra izany, nanan-kery izany, tsy nisy na inona na inona azoko natao. Fa tamin'ny fahafenoan'ny fotoana Andriamanitra dia nandefa, tamin'ny Fotoany tsara Manokana, an'i Jesosy ilay Zanak'ondry, voavono hatramin'ny fanorenana an'izao tontolo izao. Nalatsaka Ny Ràny mba ahafahako mandeha mankany amin'ny lovako. Mba ho inona, lova inona? Ny maha-zanaka, mba ho zanak'Andriamanitra iray.

⁷⁶ Ary mety hanakenda anareo mafy mihitsy Ity ankehitriny. Saingy efa fantatralereo ve fa ireo olona izay zanak'Andriamanitra dia andriamanitra kely? Firy no mba nahafantatra an'izany? Firy no mahafantatra fa Jesosy no niteny an'izany? Ny Baiboly, hoy Jesosy hoe, "Tsy ny lalànareo ve no nilaza, izy tenany, fa ianareo dia 'andriamanitra'? Ary raha ianareo no miantsso azy ireny hoe andriamanitra..." Fa, Andriamanitra no nilaza ao amin'ny Genesisy 2 fa andriamanitra izy ireo, satria izy ireo dia, nanana toerana feno teo amin'ny fanapahana an'izao tontolo izao. Nomeny azy ny fanapahana eo amin'ny zavatra rehetra. Fa nahavery ny maha-andriamanitra azy izy, nahavery ny maha-zanaka azy izy, nahavery ny toerany izy, ka Satana no nanapaka an'izany. Fa, rahalahy, miandry ny fanehoana ny zanak'Andriamanitra isika izay hiverina ka hanapaka an'izany indray. Miandry ny fahafenoan'ny fotoana, rehefa tonga eo amin'ny tampony ilay pyramida, rehefa ho voaseho ireo zanak'Andriamanitra feno, rehefa handroso ny herin'Andriamanitra (haleloia) ka haka ny hery rehetra izay nesorin'i Satana taminy. Eny, tompoko, azy izany.

⁷⁷ Izy no Logos izay nivoaka avy tamin'Andriamanitra, marina izany, izany ilay Zanak'Andriamanitra. Avy eo dia nanao ny olona ho io andriamanitra kely io Izy. Ary hoy Izy hoe, "Raha izy ireo no miantsso an'ireo izay nahatongavan'ny Tenin'Andriamanitra, ireo mpaminany, raha izy ireo no miantsso azy ireo hoe 'andriamanitra' izay nahatongavan'ny Tenin'Andriamanitra..." Ary Andriamanitra no niteny an'izany, Izy tenany, fa andriamanitra izy ireo. Niteny tamin'i Mosesy Izy hoe, "Izaho no nanao anao ho andriamanitra iray, ary nanao an'i Arona ho mpaminaninao." Amena. Fioo! Mety mihetsika tahaka ny mpiavavaka hafahafa iray aho, saingy tsy izany aho. Oh, rehefa afaka misokatra ny masonareo ka mahita an'ireo zavatra ireo. Eny àry. Nanao ny olona ho andriamanitra iray Izy, andriamanitra iray ao amin'ny toerany. Ary ny toerany dia avy amin'ny ranomasina mankany amin'ny ranomasina, avy

amin'ny morona mankany amin'ny morona; izy no nanana ny fifehezana an'izany.

⁷⁸ Ary rehefa tonga Jesosy, amin'ny maha-ilay Andriamanitra Anankiray tsy nisy fahotana, dia Izy no nanaporofo an'izany. Rehefa nitsoka ireo rivotra, dia hoy Izy hoe, "Milamina, mipetraha tsara!" Amena. Ary rehefa ilay hazo, hoy Izy hoe, "Tsy hisy olona hihinana avy aminao."

⁷⁹ "Marina tokoa, Lazaike aminareo, ianareo izay andriamanitra kely, raha hilaza amin'io tendrombohitra io ianareo hoe, 'mifindrà', ka tsy misalasala ao am-ponareo, fa mino fa izay lazainareo dia hiseho, dia afaka mahazo an'izay nolazainareo ianareo."

⁸⁰ Mandehana miverina amin'ny Genesisy, ilay tany am-boalo hany, inona izany? Ankehitriny dia misento izao tontolo izao sy ny natiora, mitaraina, mihetsika ny zavatra rehetra. Inona? Ho an'ny fanehoana an'ireo zanak'Andriamanitra, rehefa ireo zanaka marina, ireo zanaka teraka, zanaka feno no miteny ka voatohana ny tenin'izy ireo. Mino aho fa eo amoron'izany isika izao ankehitriny izao. Eny, tompoko. Milaza amin'io tendrombohitra io, ho tanteraka anie izany.

⁸¹ "Rahalahy, izaho—izaho maniry an'izao-sy-izao, zavatra anankiray ho vita. Mpino an'i Jesosy Kristy aho."

⁸² "Omeko anao izany amin'ny Anaran'i Jesosy Kristy Tompo." Amena. Izany no fanehoana iray.

⁸³ "Oh, rahalahy, may ireo vokatro any. Tsy nahazo orana mihitsy aho."

⁸⁴ "Handefa orana iray ho anao aho, amin'ny Anaran'ny Tompo." Ho tonga eo izy. Oh, miandry, misento, miandry ny fanehoana an'ireo zanak'Andriamanitra ny natiora rehetra. Andriamanitra no nandidy an'izany tany amin'ny fiandohana. Nomeny ny olona ilay toerana.

⁸⁵ Izy no nanome an'i Jesosy Kristy, ary Jesosy no nanome an'izany tamin'Ny Anarany, miaraka amin'ity antoka ity hoe, "Angataho amin'ny Ray ny zavatra rehetra amin'Ny Anarako dia Hataoko izany." Oh, Rahalahy Palmer! Miandry ny fanehoana an'ireo zanak'Andriamanitra, ilay toerana, ilay fiangonana!

⁸⁶ Araka ny nolazaiko, ny Bokin'ny Efesiana dia ny Bokin'i Josoa, ary Josoa dia nametraka an'ireo olona teo amin'ny azy ireo. Ankehitriny, raha tsy hipetraka tsara izy ireo, ka apetrary eto i Efraima, ary eo amin'ny tanin'i Manase, ary ity anankiray ity dia hiverina ka hifamaly sy ho sorena, dia ahoana no mba hifanarahana'izy ireo? Rehefa hoy ny anankiray hoe, "Batista aho, Metodista aho, Pentekotista aho, an'ny Tokana aho, an'ny Roa aho, an'Izao-sy-izao aho."

⁸⁷ Ahoana no hahavitanareo an'izany? Mipetraha tsara! Tehametraka Ny Fiangonany Andriamanitra, ireo zanakalahy

sy zanakavavin'Andriamanitra. Andriamanitra, avelao aho ho velona ka hahita an'izany, izany no fivavako. Tena akaiky hany ka afaka mahatsapa an'izany saiky amin'ny tanako mihitsy aho, toa tahaka an'izany. Eo mihitsy izany. Izany no niriako fatratra ho hita, miandry an'ilay fotoana izay handehanana eo amin'ilay lâlambe; misy mandringa iray mandry eo, hatrany an-kibon-dreniny, "Tsy manana volafotsy sy volamena aho." Oh, miandry ny fanehoana an'ireo zanak'Andriamanitra, haleloia, rehefa hampahafantatra ny Tenany Andriamanitra, rehefa hampijanona ny aretina izy ireo, hanajanona ny homamiadana izy ireo, hanajanona ny faharariana izy ireo.

⁸⁸ Mihevitra ve ianareo fa zavatra iray ny homamiadana? Ny Baiboly no nilaza fa ho avy ny fotoana iray izay hahalô ny olona ao amin'nynofony mihitsy, ka ireo papangobe no hihinana ny vatany alohan'ny hahafaty azy ireo mihitsy aza. Ny homamiadana dia areti-nify iray ho an'izay ho avy. Saingy, tsarovy, io zavatra mampahatahotra io dia efa norarâna tamin'io andro io tsy hikasika an'ireo izay nanana ny Tombokasen'Andriamanitra. Izany no itolomantsika mafy ankehitriny, ny hiditra sy ho voapetraka ara-toerana ao amin'ny Fanjakan'Andriamanitra alohan'ny hamelezan'ireo loza mampahatahotra ireo. Oh, tsara toy ny ahoana! Ny fizaram-potoan'ilay fotoana, fahafenoan'ny fotoana, ilay lova.

*Tao aminy koa isika...nandray...lova, rehefa
voafidy mialoha...*

⁸⁹ Ahoana no nanomezana antsika ny lovantsika, tamin'ny alàlan'ny inona? Fifidianana mialoha. Ny fifidianana mialoha dia fahalalana mialoha. Ahoana no nahafantar'an'Andriamanitra fa afaka hahatoky anareo ho mpitiry teny iray Izy? Ny Fahalalany mialoha. "Tsy izay maniry na izay mihazakazaka, na izay...Izany dia Andriamanitra izay maneho famindrampo." Marina izany, fifidianana mialoha. Fantany izay tao anatinareo. Fantany izay tao anatinareo talohan'ny nahatongavanareo teto an-tany mihitsy aza. Fantany izay tao anatinareo talohan'ny nisy tany iray hahatongavanareo. Izany dia—izany dia Izy. Izany ilay Andriamanitra tsi-manam-petra, ilay tsi-manam-petra. Isika dia manam-petra, afaka mieritreritra manam-petra fotsiny ihany isika.

⁹⁰ Nidika betsaka ho ahy izany, hatramin'ny nitrangan'izany tamiko. Tsy fantatro. Rehefa mieritreritra aho eo, rehefa nitsangana tany aho nandritr'ireo fotoana fohy fefaliana, ka nieritreritra hoe, "Tsy misy ampitso." Tsy nisy omaly, tsy misy aretina, tsy misy alahelo. Tsy misy fahasambarana kely bitika, avy eo dia fahasambarana manontolo; izany dia fahasambarana daholo. Oh, oadray! Oh, rehefa nitsangana tany aho ka nanao hoe, "Inona ity?"

⁹¹ Hoy io Feo io hoe, “Ity no fitiavana tanteraka, ary ny zavatra rehetra izay hany tianao sy ny zavatra rehetra izay hany nitia anao dia eto miaraka aminao ankehitriny.”

⁹² “Ary ianao no hanolotra anay amin’ny Tompo Jesosy rehefa tonga Izy, ho amboaran’ny asam-panompoanao.” Nahita an’ireo vehivavy tsara tarehy aho tany, ny rehetra nandramby ahy ka nihiakiaka hoe, “Ny anadahinay sarobidy, malala!” Nahita an’ireo lehilahy sy ilay volo nisavoritaka nanodidina ny tendan’izy ireo, nihazakazaka, nandramby ahy ka nanao hoe, “Ny rahalahy malalanay!”

Dia nieritreritra aho hoe, “Inona no dikan’izao?”

Hoy Izy hoe, “Izy ireo no olonao.”

⁹³ Hoy aho hoe, “Ny oloko? Tsy mety hisy Branham betsaka eo, misy an-tapitrisany eo.”

⁹⁴ Hoy Izy hoe, “Ireo anao niova fo izy ireo!” Haleloia. “Ireo anao niova fo izy ireo. Izy ireo no hany izay...” Hoy Izy, “Hitanao ve io anankiray mitsangana eo io?” Ilay vehivavy tsara tarehy indrindra izay hany hitako. Hoy Izy, “Nihoatra ny sivifolo taona izy fony ianao nitarika azy teo amin’Andriamanitra. Tsy mahagaga izy raha miantsoantso hoe, ‘Ny anadahy malalako.’” Hoy Izy, “Tsy ho antitra intsony mihitsy izy. Efa afaka tamin’izany izy. Ao amin’ny famirapiratan’ny hatanorana izy. Mitsangana eo izy. Tsy afaka misotro rano mangatsiaka izy, tsy ilainy izany. Tsy afaka mandry izy ka matory, satria tsy reraka izy. Tsy misy ampitso, tsy misy omaly, na inona na inona. Ao amin’ny Mandrakizay izahay ankehitriny. Fa amin’ny andro be voninahitra iray dia ho tonga ilay Zanak’Andriamanitra, ka hotsaraina araka ny Teny izay notorianao tamin’izy ireo ianao.” Oh, rahalahy!

Hoy aho hoe, “Tsy maintsy hitondra ny vondrony ve i Paoly?”

“Eny, tompoko.”

⁹⁵ Hoy aho hoe, “Nitory an’Izany marina tokoa tahaka ny nilazan’i Paoly Azy aho. Tsy nivily mihitsy aho, tsy nanaiky fanekem-pinoam-piagonana mihitsy na zavatra hafa. Nijanona nitovy aho.”

⁹⁶ Ary izy rehetra dia nihiakiaka niray saina hoe, “Fantatray izany! Mitsahatra miaraka amin’ny antoka izahay.” Hoy izy ireo, “Ianao no hanolotra anay Aminy, ary avy eo dia hiverina eny amin’ny tany indray isika, mba hiaina mandrakizay.” Oh, oadray!

⁹⁷ Tamin’izay fotoana izay mihitsy dia nanomboka niverina aho. Nijery aho, nandry teo ambonin’ilay fandriana, ka nahita ny vatako antitra teo niha-antitra sy niketrona, sy simba ary—ary farofy sy ory, ary nahita ny tànako taorian’ny lohako aho, dia nieritreritra hoe, “Oh, tsy maintsy hiverina amin’io zavatra io indray ve aho?”

⁹⁸ Ary nitohy nandre an'io Feo io aho hoe, “Manohiza mandroso! Manohiza mandroso!”

⁹⁹ Hoy aho hoe, “Tompo, efa nino ny fanasitranana avy amin’Andriamanitra foana aho, hanohy hino an’izany aho. Saingy ho maika ho an’ireo fanahy ireo aho, mianiana aho. Hanana maro aho any ka izaho dia... Avelao aho ho velona, Tompo, ka hampiditra iray tapitriza hafa, raha hamela ahy ho velona fotsiny Ianao.”

¹⁰⁰ Tsy ahoako izay loko, izay fanekem-pinoana, izay zòmpirenena, izay maha-izy azy ireo, iray izy rehetra rehefa tonga any, ary lasa ireo tsipiky ny fetra ireo. Oh, toa hitako ireo vehivavy ireo, tena tsara tarehy; tsy nahita mihitsy...nandeha moramora, nitsororika teo amin’ny lamosiny ny volo lavany. Zipo lava nidina ambany. Tsy nikiraro izy ireo. Hitako ireo lehilahy ireo niaraka tamin’ny volo nisavoritaka nanodidina ny tendany, mena volo, maity volo, ary ireo loko samihafa rehetra. Ary nanipy ny sandriny nanodidina ahy izy ireo. Afaka nahatsapa azy ireo aho. Tsapako ny tangan’izy ireo. Andriamanitra no Mpitsarako, ary misokatra ity Boky masina ity. Afaka nahatsapa azy ireo tahaka ny ahatsapako ny tanganako eo amin’ny tavako mihitsy aho. Nanipy ny sandriny nanodidina ahy izy ireo, tsy nisy fahatsapana vehivavy tahaka ny ho izy ankehitriny. Tsy ahoako na masina toy ny ahoana aza ianareo, iza ianareo, karazana mpitory teny inona ianareo, pretra na mety ho inona ianareo, tsy misy lehilahy afaka hamela vehivavy iray hanipy ny sandriny manodidina azy, ka tsy hanana fahatsapan’olombelona iray. Izany marina tokoa no fahamarinana. Saingy, rahalahy, rehefa miampita eo anelanelan’ny eto sy ny any ianareo, dia tsy tahaka an’izany any. Oh, oadray! Izany dia tena... Oh, misy... Tsy azo atao izany. Fitiavana izany rehetra izany. Ny zavatra rehetra dia tena rahalahy ary ny zavatra rehetra dia tena anabavy. Tsy misy fahafatesana, tsy misy alahelo, tsy misy fialonana, tsy misy na inona na inona, tsy misy na inona na inona afaka hiditra any. Fahatanterahana fotsiny izany. Ho an’izany no itolomako mafy. Ho an’izany no ametrahana ahy.

¹⁰¹ Hoy aho hoe, “O Tompo, ho an’izany ny maha-eto amin’ny fiangonana ahy, miezaka ny hametraka ny fiangonana amin’ny lamina.” Hiteny aminareo, rahalahy sy anabavy, fa zavatra anankiray ihany no afaka miditra ao, izany dia ny fitiavana tanteraka. Tsy satria hoe mahatoky amin’ny Branham Tabernacle ianareo, na fiangonana Metodista na fiangonana Batista. Mety tsara izy rehetra ireo, tokony ho izany ianareo. Fa, oh, ry sakaiza, ianareo dia tokony... Tsy satria hoe niteny tamin’ny fiteny tsy fantatra ianareo, nandihy tao amin’ny Fanahy, satria hoe nandroaka devoly ianareo na nahafindra tendrombohitra tamin’ny finoana. Mety tsara izany rehetra izany, fa mety tsara izany, saingy raha tsy mbola ao io tena

fitiavana tanteraka io. Tao no nisy an'io fitiavana tanteraka io. Ary izany no zavatra tokana izay hamela anareo ho ao. Izany ilay zavatra tokana izay afaka mijanona ao, izany ilay zavatra tokana izay nisy, tany. Oh oadray! Fananganan'anaka iray izany. Andriamanitra, talohan'ny fanorenana an'izao tontolo izao.

¹⁰² Ankehitriny, ndao isika handeha haingana, ndao isika hamita an'ity toko manaraka ity, na ahoana na ahoana, raha azo atao, ao anatin'ireo folo minitira manaraka.

Tao aminy koa no nandraisantsika lova... (Mandova inona isika? Fiainana Mandrakizay)...rehefa voafidy mialoha...

Ahoana? Azon'ny olona rehetra ve izany? Ianareo ve no niantso an'Andriamanitra? Tsia, Andriamanitra no niantso anareo. Hoy ny olona sasany hoe, "Oh, nitady an'Andriamanitra mihitsy aho, ary nitady an'Andriamanitra."

Tsy ianareo no nitady. Tsy nisy olona hany nitady an'Andriamanitra. Andriamanitra no mitady ny olona. Hoy Jesosy hoe, "Tsy misy olona mahay manatona Ahy raha tsy Ny Raiko no mitarika azy aloha." Hitanareo, natioran'ny olona ny mandositra an'Andriamanitra. Dia hoy ianareo ankehitriny...

¹⁰³ Izany, izany no manorisory ahy, na izany aza, ny mitory aminareo olona; aza mijanona eo amin'ilay toerana iray ihany izay nidiranareo, miovà ankehitriny! Henoy aho raha milaza an'izany, HOY NY TOMPO HOE. Tsy niantso ny tenako ho izany mihitsy aho, tsy izany aho. Fa ianareo no miantso ahy ho mpaminaninareo, na mpaminany iray. Mino an'izany izao tontolo izao, izao tontolo izao manodidina, olona an-tapitrisany sy an-tapitrisany sy an-tapitrisany. Niteny nivantana sy tsy nivantana tamin'ny olona folo na—folo na roa ambin'ny folo tapitrisa aho, na mihoatra, miteny mivantana. Efa nahita fahitana sy famantarana ary fahagagana iray alina aho, ka tsy nisy iray tamin'izy ireo hany diso. Ary marina izany. Izy no niteny tamiko mialoha an'ireo zavatra izay tsy diso mihitsy mba hitranga marina tokoa. Hitondra ny olona rehetra hitsara an'izany aho. Marina izany. Tsy mihambo ho mpaminany iray aho, fa henoy aho.

¹⁰⁴ HOY NY TOMPO HOE, hila ny fitiavana tanteraka izany mba hametraka anareo ao amin'io toerana io, satria izany ihany no nisy tany. Tsy mampaninona na vola inona, fampisehoana ara-pivavahana firy, asa tsara firy no efa nataonareo na inona na inona efa nataonareo, tsy ho isaina na inona na inona izany amin'io andro io. Hila ny fitiavana tanteraka izany. Noho izany na inona na inona ataonareo, dia avelao eny amin'ny ilany ny zavatra rehetra mandra-pahatonganareo ho tena feno ny fitiavan'Andriamanitra mihitsy mandra-pahatonganareo ho afaka hitia an'ireo izay mankahala anareo.

¹⁰⁵ Izaho fotsiny araka ny nolazaiko aninkeo maraina, izaho dia natao, ny nanaovana ahy manontolo dia fahasoavana. Olona maro no manao hoe, "Ankehitriny, haory ny lamosiko dia hihaotra ny anao aho. Hia, manaova zavatra ho ahy dia hanao zavatra ho anao aho." Tsy izany no fahasoavana. Ny fahasoavana dia, raha mangidihidy ny lamosinareo, dia hihaotra an'izany aho na ahoana na ahoana, na hihaotra ny ahy ianareo na tsia; felao eo amin'ny tavako, ka manaova hoe "mila mangidihidy ny lamosiko, na, mila haorina," dia hihaotra an'izany aho. Hitanareo? Izay ilay izy, manaova zavatra. Tsy mino an'ireo asa aho. Mino aho fa ireo asa dia fitiavana. Ireo asa dia—ireo asa dia ny fanehoana fa efa niseho ny fahasoavana. Tsy miaina mahatoky amin'ny vadiko aho satria mino aho fa hisaraka amiko izy raha tsy niaina aho, miaina mahatoky aminy aho satria tiako izy.

¹⁰⁶ Tsy mitory ny Filazantsara aho satria mihevitra fa handeha any amin'ny helo aho raha tsy nitory, mitory ny Filazantsara aho satria tiako Izy. Izany tokoa. Mihevitra ve ianareo fa hitety an'ireo ranomasina misy tafio-drivotra aho, sy ireo fiaramanidina mihotakotaka ambony sy ambany, ary ny tselatra manjelatra manerana, sy—sy ny zavatra hafa rehetra, ary saiky amin'ny minitra rehetra...ary ny olona mihiakiaka, sy "Arahaba ry Maria" no mandeha manerana an'ilay fiaramanidina, sy ny sisa? Mihilangilana ao amin'ireo fehin-kibo fiarovana ireo olona ireo, ka hoy ilay mpanamory hoe, "Solika ampy haharitra dimy ambin'ny folo minitra sisa, tsy fantatro izay misy antsika." Mihevitra ve ianareo fa izaho dia hanao an'izany fotsiny—fotsiny ho an'ny fahafinaretana hanaovana an'izany? Hah! Mihevitra ve ianareo fa handeha any anaty ala any aho izay tsy maintsy nametrahan'ireo miaramila Alemandy ny sandriny manodidina ahy tahaka an'izao isan-kariva ka nampiditra sy namoaka ahy tao amin'ny fivoriana, mandra-pahatongan'ny Fanahy Masina hanomboka hanao fahagagana? Ireo kominista mipetraka miaraka amin'ny teleskôpin'ny alina, mba hitifitra ahy any amin'ny maily iray lavitra. Mihevitra ve ianareo fa hanao an'izany fotsiny ho an'ny fahafinaretana ny amin'izany aho? Satria misy zavatra iray ato anatiko izay tia; olombelona izay nahafatesan'i Kristy izy ireo. Hoy i Paoly hoe, "Tsy vonona hiakatra any Jerosalema fotsiny ihany aho, fa hiakatra any aho mba hohomboana. Hiakatra aho mba ho faty. Hiakatra any aho mba ho faty ho an'ny antony an'ny Tompo." Zavatra iray izany, fitiavana izay manery anareo, izay manao anareo. Marina tokoa izany.

¹⁰⁷ Raha nitory ny Filazantsara ho an'ny vola aho, raha efa izany ilay izy, dia tsy ho azon-trosa roa alina dolara aho izao hariva izao, tsy ho azon-trosa tahaka an'izany aho. Tsia, tompoko. Satria ho nitahiry ny sasany tamin'ireo—ny sasany tamin'ireo an-tapitrisany izay nomena ahy aho. Lehilahy iray, lehilahy iray

no naniraka mpiasan'ny F.B.I. niaraka tamin'ny taratasim-bola dimy hetsy sy iray tapitrisa dolara. Dia hoy aho hoe, "Ento miverina izany." Tsy ho an'ny vola! Tsy vola ilay izy. Tsy mitory ny Filazantsara ho an'ny vola aho. Tsy ho an'izany!

¹⁰⁸ Ilay izy dia nohon'ny fitiavana. Ny zavatra tiako hatao, dia, rehefa miampita an'io fofon'aina farany io aho any, izay mety afaka dimy minitra manomboka izao, mety afaka adiny roa manomboka izao izany, mety dimampolo taona manomboka izao, tsy fantatro hoe rahoviana no hisy izany. Fa rehefa misy izany, tonga any aho, dia tiako ny hahita anareo ao amin'ny famirapiratan'ny hatanorana, mihazakazaka, miantsoantso hoe, "Ry rahalahy malalako! Ry rahalahiko!" Izany no ato am-poko. Izany no antony. Tsy miezaka ny tsy hifanarakana aminareo aho mba ho-ho hafa, fa miezaka aho ny hametraka anareo eo amin'ny lèlana izay marina. Izany ilay lèlana miditra. Tsy ny fiangonanareo, tsy ny anaram-piangonanareo, fa ny fahaterahanareo ao amin'i Kristy. Oh, oadray. Fioo!

Tao aminy...no nandraisantsika...lova, rehefa voafidy mialoha araka ny fikasany izay mahefa ny zavatra rehetra araka ny ankasitrahan'ny sitrapony manokana:

¹⁰⁹ Henoy. Hamarana isika afaka minitra vitsy. Henoy tsara ankehitriny alohan'ny hamaranantsika.

Mba hahatonga antsika ho fiderana ny voninahiny, izay nanantena rahateo...Kristy.

Tao aminy koa no nanantenanareo,...

¹¹⁰ Diniho ity ankehitriny, tsara mihitsy. Anaovy ny palitaonareo, palitaon'ny Filazantsara. Ataovy misokatra ny sofinareo, henoy tsara. Eo amin'ny andininy faha-13 aho.

Tao aminy koa ianareo no nanantena, rehefa avy renareo...

"Ny finoana dia avy amin'ny..." [Hoy ny fiangonana hoe, "Fandrenesana."—Mpand.] "fandrenesana ny..." ["Teny."] "Tenin'ny..." ["Andriamanitra."]

...rehefa avy renareo ny tenin'ny fahamarinana,...

¹¹¹ Inona ny Fahamarinana? Ny Tenin'Andriamanitra. Marina ve izany? Jaona 17:17, ianareo izay mandray naoty ny Soratra, hoy Jesosy hoe, "Manamasina azy ireo, Ray, amin'ny Fahamarinana. Ny Teninao no Fahamarinana."

...rehefa avy renareo ny fahamarinana, ny filazantsaran'ny famonjenareo:...

¹¹² Inona ilay famonjena izay noe Zahany tenenina tamin'izy ireo? Voafidy mialoha talohan'ny fanorenana an'izao tontolo izao (Marina ve izany?), ho amin'ny fananganan-janaka, voafidy mialoha ho amin'ny Fiainana Mandrakizay. Ankehitriny, rehefa miditra ao amin'ny Fiainana Mandrakizay ianareo, rehefa

novonjena, nohamasinina,nofenoina ny Fanahy Masina, dia zanaka ianareo. Ankehitriny Andriamanitra dia te-hametraka anareo ara-toerana, oh, mba ahafahanareo hiasa ho an'Ny Fanjakany sy ny Voninahiny.

¹¹³ Izany no Filazantsara. Izany hoe, voalohany, mandre ny Teny hoe, "Mibebaha, ary aoka hatao batisa amin'ny Anaran'i Jesosy Kristy ho famelàna ny fahotana." Manaisotra ny fahotanareo rehetra, miantsy ny Anaran'i Jesosy Kristy Tompo, ho amin'ilay Tany nampanantenaina. Ny teny fikasana dia ho an'ny vahiny rehetra izay eo amin'ny lalanareo. Raha niala ny tranonareo ianareo izao hariva izao, mpanota iray, nanao hoe, "Handeha ho any amin'ny Branham Tabernacle aho," dia manome anareo an'ilay fanararaotra Andriamanitra izao hariva izao. Misy zavatra anankiray manasaraka anareo sy ilay Tany nampanantenaina. Inona ilay Tany nampanantenaina? Ny Fanahy Masina. Ny nanasaraka an'i Joso sy ilay tany nampanantenaina dia ny Jordana. Marina tokoa.

¹¹⁴ Mosesy, amin'ny maha-tandindon'i Kristy, dia nitarika an'ireo zanaka hatrany amin'ilay tany nampanantenaina, noho izany dia tsy nampiditra an'ireo zanaka tao amin'ny tany nampanantenaina i Mosesy. Joso no nampiditra ny olona ary nizara an'ilay tany. Jesosy nandoa ny vidiny, nitarika azy ireo hatreo amin'ny Fanahy Masina. Andriamanitra no nampidina ny Fanahy Masina ary Izy no nametraka ara-toerana ny fiangonana tao amin'ny lamina, ny olona tsirairay, mamenno azy amin'ny Fanatrehan'Ny Tenany. Hitanareo ve izay tiako lazaina? Ny rehetra ao amin'i Kristy Jesosy, toy ny ahoana no nifidianan'Andriamanitra mialoha an'izany ho an'ny antson'ity Filazantsara ity!

¹¹⁵ Hoy i Paoly, ao amin'ny Galatiana 1:8, nanao hoe, "Raha misy Anjely iray tonga mitory zavatra hafa, dia aoka izy ho voaozona." Ny Fahamarinana, ny Filazantsara. Henoy tsara ankehitriny raha manohy mamaky isika, mamarana an'ilay andininy.

...ny filazantsaran'ny famonjenareo: ao aminy ihany koa... (henoy tsara)...rehefa nino ianareo, dia nasiana tombokase tam'in'ny Fanahy Masin'ny teny fikasana,

¹¹⁶ Amin'ny andro farany, nilaza ny Baiboly, diniho ankehitriny, amin'ny andro farany dia hisy kilasin'olona anankiroa. Ny anankiray amin'izy ireo dia hanana ny Tombokasen'Andriamanitra, ny iray hafa dia ny mariky ny bibidia. Marina ve izany? Firy no mahafantatra an'izany? Eny, raha ny Tombokasen'Andriamanitra no Tombokasen'ny... Raha ny Tombokasen'Andriamanitra no Fanahy Masina, amin'izay fotoana izay ny tsy manana ny Fanahy Masina no mariky ny bibidia. Ary ny Baiboly no nilaza fa ireo fanahy anankiroa ireo dia tena hifanakaiky ka hamitaka an'ilay tena Voafidy izany

raha azo natao. Tsy hanao an'izany mihitsy ilay izy, satria izy ireo dia voafidy ho amin'ny Fiainana Mandrakizay. Hitanareo?

¹¹⁷ Nandeha ny fiangonana, araka ny fantatra fotsiny dia nisy virijiny folo nivoaka mba hitsena ny Tompo, nohamasinina ny rehetra, masina ny rehetra, ny tsirairay avy tamin'izy ireo dia nohamasinina. Ny dimy dia niraikiraiky ary namela ny fanilony ho faty. Ny dimy dia nanana solika tao amin'ny fanilony. “Ary, indro tonga ny Mpampakatra!” Ka ireo dimy izay nanana solika tao amin'ny fanilony dia niditra tao amin'ny Sakafo harivan’ny Mpanambady. Fa ireo hafa dia navela tany ivelany izay nisy fitomaniana sy fidradradadrana ary fikotroha-nify. Aoka ho vonona, satria tsy ho fantatrareo izay minitra hihavian’ny Tompo. Manana... Maneho inona ny diloilo ao amin'ny Baiboly? Ny Fanahy Masina.

¹¹⁸ Ankehitriny ho anareo androany, ianareo rahalahy Adventistan’ny andro Fahafito izay nilaza fa ny Tombokasen’Andriamanitra dia ny andro fahafito, manehoa Soratra anankiray mba hanaporofo an’izany. Ny Baiboly no nilaza fa ny Tombokasen’Andriamanitra dia ny Fanahy Masina. Diniho ity. “Izay...” Diniho ny andininy faha-13 ankehitriny.

...rehefa nino ianareo, ianareo dia voaisy tombokasen’ny—an’ny Fanahy masin’ny teny fikasana.

¹¹⁹ Mamadiha ao amin'ny Efesiana 4:30, mino aho fa izay ilay izy. Jereo raha tsy mahazo ny 4:30 isika, jereo raha tsy mitovy ity. Efesiana, ny toko faha-4 ary ny andininy faha-30. Hia, ity ilay izy, 4:30.

Ary aza mampalahelo ny Fanahy masin’Andriamanitra, izay nanisiana tombokase anareo hatramin’ny andron’ny fanavotana.

¹²⁰ Mandra-pahoviana? Rehefa tena, tena nandray ny Fanahy Masina ianareo, dia mandra-pahoviana no haharetan’Izany aminareo? Hatramin’ny fifohazana manaraka ve, hatramin’ny nitsivalanan’ny nenibe teo amin’ny lalanareo ve, hatramin’ny nivazavazan’ny sefo mafy anareo ve? Hatramin’ny andron’ny fanavotana anareo! Haleloia!

¹²¹ Rehefa maty ianareo, rehefa niampita an’io Tany io ianareo, ka mitsangana any miaraka amin’ireo malalanareo, dia mbola feno ny Fanahy Masina foana. Ny Soratra! Tahaka ny mahajavy anareo ankehitriny fotsiny ianareo, saingy ianareo dia manana fotsiny ny... mifindra ao amin'ny vatana hafa ianareo. Miova trano fotsiny ianareo. Ity anankiray ity dia antitra, tsy afaka mamantsika an'ilay vakivakin-kazo eo amin'izany intsony ianareo, lò ilay loha-trano. Marina izany. Noho izany dia niala tamin'ilay zavatra antitra fotsiny ianareo ka namela an'izany ho lò, ary nifindra tao amin'ilay anankiray vaovao. Marina ve izany? “Satria raha ravàna ity tabernakelin’ny tany ity, dia manana anankiray izay miandry isika.”

¹²² Tsaroanareo ve indray andro, nandalovantsika an'izany? Rehefa miforona ao an-kibon'ny reny ny zaza kely iray, ary ireo hozatra kely dia mandàka ary mitsambikina sy manohy. Saingy vantany vao mamaoka an'ilay zaza ny reny ka eto antany ilay zaza, ny zavatra voalohany, dia misy vatana ara-panahy iray eo mba hisambotra an'io vatana kely ara-nofo io. Angamba ny dokotera hanome azy ny . . . [Mikapoka ny tanàny miaraka Rahalahy Branham—Mpand.] tahaka an'izao, na zavatra iray mba hanozongozona azy, ary "oah, oah, oah." Ary handeha avy hatrany eo amin'ny nonon'ilay reny izy, "am, am, am," manetsika ny lohany kely miakatra sy midina eo amin'ny nonon'ny reny, mba hanao an'ireo lâlan-dronono hamoaka ronono.

¹²³ Ny zanak'omby kely iray, vantany vao mivoaka avy ao amin'ilay reny izy, dia hitsangana amin'ireo lohaliny kely afaka minitra vitsy. Inona no hataony? Miverina avy hatrany mihitsy izy, mamikitra eo amin'io reny io, ary manomboka manozongozona ny lohany kely ambony-sy-ambany tahaka an'izao, ka mahazo ny rononony. Haleloia! Eny, tompoko.

¹²⁴ Rehefa miditra ao aminy ity vatana ara-nofo ity, dia misy vatana ara-panahy iray miandry azy.

¹²⁵ Ary rehefa milatsaka ao amin'ny tany ity vatana ara-nofo ity, haleloia, dia misy anankiray any miandry! Mifindra avy ao amin'ny anankiray mankao amin'ny iray hafa fotsiny isika, manova ny toeram-ponenantsika isika. Tsy maintsy mitafy ny tsy mety maty ity mety maty ity, ity ara-panahy ity; mitafy ny tsi-fahalòvana ity fahalòvana ity. Ity vatana antitra miketrona, mitaritarika, manjoko ity, saingy tsy hanova ny fisehony mihitsy izany, ny tiako lazaina dia hoe rehefa tonga any izy, dia mbola hanana an'ilay fanahy iray ihany foana ianareo.

¹²⁶ Mamelà ahy hanome anareo zavatra kely izay toy ny hoe mampihodinkodina anareo, saingy izany no Baiboly, avy eo aho dia hanome anareo anankiray izay tsy hampihodinkodina azy ho anareo. Diniho ity anankiray ity. Rehefa i Saoly antitra, ilay-ilay mpanjaka, ilay-ilay mpitoky teny antitra, ara-anaram-pianganana antitra goavana tany tamin'izany fotoana izany, fantatrareo, izay nanana loha sy soroka nihoatra azy rehetra ireo, dia natahotra, tsy nahafantatra na inona na inona mikasika ny Ivelan'ny voajanahary izy ireo. Tsy maintsy tonga i Davida ka nanafaka an'ilay zanak'ondry avy teo am-bavan'ny liona, namono an'i Goliata. Diniho izy. Tena lavitra an'Andriamanitra izy, lasa nankahala an'ity mpitoky teny holy-roller ity izy. Ary raha tokony homba azy, niezaka ny hanampy azy, dia nihodina nanohitra azy izy. Raha tsy izany marina mihitsy tokoa ilay sary, ilay sary marina tokoa. Nihodina taminy mihitsy!

¹²⁷ Firy no teto rehefa nandeha aho tamin'ny diako voalohany, ka nitory hoe, "Davida namono an'i Goliata," rehefa nandeha aho? Maro, sasantsasany, vitsy amin'ireo mpiady tranaindy. Eo am-piaingana eo amin'izany indray aho. Tsaroanareo ve,

hitanareo fotsiny ve izay vao avy niseho tamin'ny Alahady heriny? Eo am-pidirana ao amin'ny dingana hafa iray izany. Asam-pitoriana faharoa an'i Davida, dingana faharoa an'ny asam-panompoany. Tena marina tokoa izany. Fa, tamin'izay fotoana izay no lasa mpanjaka teo amin'ny Isiraely izy. Mariho fa miditra ao amin'ny dingana lehibe kokoa ilay asam-panompoana ankehitriny, miha-lehibe kokoa. Toy izany koa i Davida. Nahamarika an'ity aho rehefa tonga izy, Davida, oh, rehefa namoaka an'i Davida Andriamanitra tany ka namono an'ilay liona, mariho, ary namono an'ilay bera, avy eo dia namono an'ilay Filistina. Ankehitriny, nisy fotoana anankiray izay namelân'Andriamanitra fanahy ratsy ho tonga teo amin'io zazalahy antitra io. Ary ho...Mba haninona? Mba hankahala an'i Davida. Ary mino aho....

¹²⁸ Ankehitriny, ireto horonam-peo ireto. Henoy ankehitriny, rahalahy, ianareo eo amin'ireto horonam-peo ireto, raha tsy mifanaraka amiko ianareo, dia mamele ahy. Hitanareo, tiako ianareo. Hihaona aminareo aho any na ahoana na ahoana, hitanareo, satria raha lehilahin'Andriamanitra iray ianareo dia hihaona aminareo aho na ahoana na ahoana. Saingy, te-hiteny an'izao aho, ity no antony. Satria fotsiny hoe hitan'i Saoly fa i Davida dia nanana zavatra iray izay tsy nananany. Tamin'izay fotoana izay dia inona no nitranga?

¹²⁹ Antitra kely iray "mena hoditra," mahia, ny Baiboly no nilaza fa izy dia "mena hoditra." Tsy ankizy iray tena tsara tarehy io, "mena hoditra" dia karazan'ny olona mahia ratsy kely fotsiny. Koa nandeha tany izy, ary Saoly, nahoana, napetrany teo aminy ny fitaovala-piadian'i Saoly, ary heveriko fa ilay ampinga dia nidina hatrany amin'ny tongony. Ary hoy izy hoe, "Esory amiko ity karazan-javatra ity. Izaho—izaho dia..." Angamba nanome azy diplaoman'ny dokotera iray izy, Ph.D. iray na L.L.D., na zavatra iray, fantatrareo. Ahoana fa hoy izy hoe, "Tsy mahafantatra na inona na inona mikasika an'izany karazan-javatra izany aho, satria tsy zatra an'izany. Mamele ahy haka an'ity, fantattro izay hataoko aminy." Eny, tompoko. Naka an'ilay antsamotady izy.

¹³⁰ Ary nanao an'i Davida ho romotra izy ireo satria ireo zanakavavy, ireo fiangonana, ireo fiangonana dia nihira hoe, "Saoly, angamba namono an'ireo an'arivony, fa i Davida namono an'ireo an'aliny."

¹³¹ Tamin'izay fotoana izay dia lasa nialona izy, "Izany ilay karazan'ny Anaran'i Jesosy tranainy, tsy misy dikany Izany." Marina izany. Ary inona no nataon'Andriamanitra taminy? Nandefana ahaly ratsy teo aminy Andriamanitra, mba hankahala an'i Davida, ary nankahala an'i Davida tsy amin'ny antony izy.

¹³² Afaka nanolana ny tendany tao anatin'ny fotoana vitsy i Davida. Afaka izy, saingy navelany nandeha fotsiny izany. Tsy niteny na inona na inona mihitsy izy. Azo antoka fa afaka nanao

an'izany izy. Nandeha izy ary nanapaka ny rambon'akanjony, indray alina, niverina, nanao hoe, "Jereo eto, hitanao!" Eny, tompoko, afaka nanao an'izany izy, saingy navelany nipeetraka tsara fotsiny izy. Afaka namaky ny fiangonany izy ka nanaparitaka azy ireo, ary nanomboka rafi-pandaminana ho an'ny tenany raha tiany. Saingy tsy nanao an'izany izy, navelany nandeha fotsiny i Saoly. Avelao Andriamanitra hanao an'ilay ady. Eny, tompoko.

¹³³ Noho izany raha nivoaka izy ka nifarana ilay asampitoriana, ary nandroso, dia niditra io fanahy ratsy io mba tsy nahafahan'i Saoly hahazo valiny avy tamin'Andriamanitra. Afaka kelikely izy...niala taminy ny Fanahin'ny Tompo. Ary i Samoela antitra, ilay anankiray izay nolavin'izy ireo, ilay anankiray izay ny Feon'Andriamanitra marina tokoa ho azy ireo, ilay anankiray izay nilaza tamin'izy ireo talohan'ny nitiavan'izy ireo hihetsika tahaka an'izao tontolo izao mihitsy aza.

¹³⁴ Toy ny ahoana no itiavan'ny fiangonana hihetsika tahaka an'izao tontolo izao? Nahoana ny Pentekotista, vita batisa, ny Metodista nanana ny fahatsapan'ny Fanahy Masina, sy ny Batista, ary ny Presbyterana no te-hihetsika tahaka an'izao tontolo izao? Nahoana izy ireo no nanao an'izany? Tsy fantattro. Izaho—tsy mety azoko fotsiny izany. Hoy ianareo hoe, "Eny, mahafinaritra ny milalao pokera, hifalifaliana kely fotsiny, loka iraimbilanja kely fotsiny," na inona no iantsanareo an'izany. Fahotana izany. Tsy tokony hanana an'ireo zavatra ireo ianareo ao an-tranonareo. "Nahoana, tsy misy maharatsy ny mandray kely fotsiny, veran-dabiera bitika kely iray. Mandray vitsivitsy fotsiny izahay. Izaho sy ny vadiko dia mandray kely ny tolakandro." Ary ny zavatra voalohany fantatrareo, dia mandray kely ny zanakareo. Azo antoka fa izany ilay izy.

¹³⁵ Ary ianareo vehivavy, ham, ny devoly dia nanao fotsiny...Izany no nataony tany am-boalohany, ary nanao fikendry iray avy aminareo anabavy tokoa izy. Nanao an'izany mihitsy fotsiny izy mba...satria fantany izay azony atao. Afaka mimitaka vehivavy iray in'arivony haingana kokoa noho ny lehilahy iray izy. Fantattro fa mandratra ny fihetseham-ponareo izany, saingy izany no Fahamarinana. Marina tokoa izany. Izany no nataony tao amin'ny sahan'i Edena. Izy dia afaka manao... Ankehitriny, nahitsy fo izy, tso-po izy, saingy voafitaka. "Tsy Adama no voafitaka," hoy ny Baiboly. Tsy voafitaka izy [he—Mpand.], fa izy [she] no voafitaka. Noho izany dia afaka mimitaka azy izy. Kanefa ireo pasitera dia handeha avy hatrany ka hanendry vehivavy mpitory teny, hametraka azy ireo hifehy an'ireo fiangonana tahaka an'izany, nefy ny Baiboly dia manameloka an'izany nanomboka tany amin'ny Genesisy hatrany amin'ny Apokalypsy. Hoy ianareo hoe, "Eny, mety tsara izany. Mety tsara izany. Izy ireo dia...Afaka mitory teny tahaka an'izany fotsiny izy ireo." Fantattro fa marina izany.

¹³⁶ Tahaka ny olona iray nanomboka niteny tamin'ny fiteny tsy fantatra indray mandeha, nanohy nitory teny fotsiny aho. Ary rehefa nivoaka aho, dia nilaza tamin'ny zanakolahy ny vehivavy iray, nanao hoe, “Manana hafatra iray homena aho rahampitso hariva,” hoy izy, “rehefa miakatra eo amin’ny lampihazo ny Dadanao.”

Hoy izy, “Eny, Rtoa., inona no tianao lazaina?”

¹³⁷ Ary tamin’io hariva io rehefa vonona izany, rehefa nivonona hanao antso eny amin’ny alitara aho, dia nakariny ny volony rehetra ary nampakatra an’ireo bān-kirarony sy ny sisa, nivonona, nitsambikina teo afovoan’ny gorodona ary nanomboka nitsambikina ambony-sy-ambany, niteny tamin’ny fiteny tsy fantatra ary naminany. Nanohy nitory teny fotsiny aho, nanao ny antsoko eny amin’ny alitara. Fa tsy nanaja an’izany mihitsy aho na kely aza, tsy tsara izany. Koa noho izany, eny, ny Baiboly no nilaza mba tsy, nanao hoe, “Ny—ny Fanahin’ireo mpaminany dia manaiky ny mpaminany.” Andriamanitra no eo amin’ny... Andriamanitra no miteny eo amin’ny lampihazo, avelao Izzy hiteny. Hoy i Paoly hoe, “Raha misy zavatra voambara amin’ny anankiray, dia aoka izy hihazona ny filaminany mandra-pahavitan’ilay anankiray eo akaikiny.” Marina izany.

¹³⁸ Ankehitriny, noho izany rehefa tany ivelany aho, nilaza ireo olona ireo, hoy ny andian’olona goavana iray, nanao hoe, “Nampalahelo ny Fanahy Masina ianao izao hariva izao.”

Hoy aho hoe, “Nanao inona? Inona no nataoko?”

¹³⁹ Hoy izy ireo, “Eny, rehefa nanome an’ilay hafatra io anabavy io, haleloia, nilaza an’izany.”

“Nahoana,” hoy aho, “teo am-pitoriana aho. Tany ivelan’ny lamina izy.”

¹⁴⁰ “Oh,” hoy izy ireo, “nadio avy teo amin’ny Seza fiandrianana mihitsy izany. Nadio kokoa noho izay notorianao izany.” Ah!

¹⁴¹ Ankehitriny, izany dia maneho fotsiny ny...izany dia maneho na ity, ary milaza an’izany amin’ny fanajana anareo aho, na fahararian-tsaina, na tsi-fanajana, na fampianarana ara-bakiteny izay tsy mahafantatra betsaka mikasika an’Andriamanitra noho ny hahafantaran’ny bitro iray mikasika an’ireo kiraron’oram-panala. Ankehitriny, izany, tsy milaza an’izany aho mba ho—ho fanamarihana adaladala, satria tsy toerana hivazivaziana ity. Fa izany no—izany marina tokoa no fahamarinana. Ny olona iray izay hahafantatra fa tsy mpanao fifanjevoana iray Andriamanitra. An’ny filaminana Izzy. Tsy fantatr’izy ireo ny Baiboly. Ny hany fantatr’izy ireo hatao dia ny mitsambikina ambony-sy-ambany, miteny amin’ny fiteny tsy fantatra, manao hoe, “Manana ny Fanahy Masina aho. Haleloia!”

¹⁴² Nitsangana aho ka nahita, tany Afrika, an'ireo mpampianatra mpamosavy sy ny sisa niteny, dimy arivo tamin'izy ireo amin'ny fotoana iray; nitsambikina ambony-sy-ambany, ny rà nanerana ny tavan'izy ireo manontolo, niteny tamin'ny fiteny tsy fantatra, ary nisotro rà avy tao amin'ny karandohan'olombelona; miantso ny devoly, sy niteny tamin'ny fiteny tsy fantatra.

¹⁴³ Kanefa ny fiteny amin'ny fiteny tsy fantatra dia fanomezam-pahasoavana avy amin'Andriamanitra, saingy tsy izany no porofo tsy azo lavina an'ny Fanahy Masina. Mamelà ahy hiteny an'izany aminareo ankehitriny. Tena mino aho fa ny olomasina voatsindrimandry rehetra dia miteny amin'ny fiteny tsy fantatra. Mino aho fa ny olona amin'ny fotoana iray dia lasa tena voatsindrimandrin'Andriamanitra ianareo hany ka hiteny amin'ny fiteny tsy fantatra ianareo. Mino an'izany aho. Saingy tsy mino aho fa izany no famantarana iray hoe manana ny Fanahy Masina ianareo. Eny, tompoko. Mino aho fa misy ny fotoana izay anananareo finoana, ilay olona, dia handroso avy hatrany ianareo ka hametra-tànana eo amin'ny ankizy kely iray izay tratry ny homamiadana, nefo mpitory teny dimampolo no efa nivavaka ho an'izany, ary ho sitrana izy satria nanana finoana ho an'io ankizy io ilay reny. Andriamanitra no nanome azy an'izany, mambran'ny Vatan'i Kristy izy. Eny, tompoko. Mino an'izany aho. Efa nahita an'izany vita aho ary fantatro fa marina izany. Saingy ilay izy dia, dia mametraka ny fiangonana ao amin'ny lamina, mametraka ao amin'ny lamina mba ahafahantsika miasa.

¹⁴⁴ Ankehitriny dia ndao isika hamarana ny sisa amin'ity andininy eto ity alohan'ny andehanantsika.

... *rehefa avy nandray ianareo, ianareo dia nasiana tombokase tamin'ny Fanahy masin'ny teny fikasana.*

¹⁴⁵ “Tombokase!” Inona ny Tombokase? Inona ny Tombokase? Ny tombokase iray dia, ny zavatra voalohany asehony dia asa iray izay efa vita, asa vita iray. Ny zavatra manaraka asehony dia ny maha-tompony. Ary ny zavatra manaraka asehony dia fiarovana, miambina an'izany.

¹⁴⁶ Atao hoe, ohatra, niasa ho an'ny Pennsylvania Railroad aho fahiny, niasa niaraka tamin'ny raiko aho fahiny teo amin'ny lalamby. Namatratra vagaon'entana izahay. Ary nampiditira izahay teto tao amin'io orinasa mpamono entana io, nampiditira an'ireo boatin-tsakafo am-bifotsy, ary nalaminay *teto* ambony teto ny sasany ary ny sasany *teto* ambony teto, ary ny sasany ambony tahaka an'izao. Fa alohan'ny hany hanisiana tombokase an'io vagao io, dia tonga eo ilay mpanara-maso, ary natosiny izany, naronjony *ity* anankiray *ity*, nohozongozoniny *itsy* anankiray *itsy*. “Ah! Ajanònny *ity*! Ho simba ho potipotika izy rehetra alohan'ny ahatongavan’izy ireo any. Ajanònny *ity*!

Avoahay izy ireo. Avereno ilay izy." Ajanon'ilay mpanara-maso ny vagao.

¹⁴⁷ Ny Fanahy Masina no Mpanara-maso. Manozongozona kely anareo Izzy, ka mikorintsana ianareo. Mino ny Tenin'Andriamanitra rehetra ve ianao? "Tsy mino an'io karazana Anaran'i Jesosy trana inay io aho." Ajanony izany. Mikorintsana ianareo, hitanareo. "Tsy mino ny fanasitranana avy amin'Andriamanitra aho na ny zavatra tahaka an'izany." Mbola mikorintsana foana. Avoahay izy ireo. Mino ve ianao fa Jesosy Kristy no tsy miova omaly... "Eny, amin'ny fomba iray." Mikorintsana ianareo. Dakao hivoaka izany, hitanareo, tsy mbola vonona izany. Eny, tompoko.

¹⁴⁸ Rahalahy, rehefa vonona izany hanao hoe, "Amena!" Efa noraisinao ve ny Fanahy Masina? "Amena!" Efa vita ve ny zavatra rehetra? "Amena." Amin'izay fotoana izay dia inona no ataon'ilay Mpanara-maso? Ny zavatra rehetra dia voafehy tsara sy mafy, feno ny Filazantsara. Oh, ny Tenin'Andriamanitra tsirairay dia tsara. Ny zavatra rehetra dia tanteraka. "Mino ny Teny tsirairay aho. Amen! Amen! Amen!" Mino ve ianao fa mbola manasitrana Andriamanitra? "Amena." Mino ve ianao fa Jesosy no tsy miova omaly ary mandrakizay? "Amena." Mino ve ianao fa ny Fanahy Masina dia misy mihitsy tahaka ny naha-izy Azy hatramin'izay? "Amena." Mino ve ianao fa ilay Fanahy iray ihany izay nilatsaka teo amin'i Paoly no milatsaka eo amintsika? "Amena." Mino ve ianao fa manao an'ireo zavatra iray ihany izay nataony teo amin'izy ireo Izany? "Amena." Oh, oh, lasa mafy izy ankehitriny. Hitanareo, lasa mafy ankehitriny, vonona ny hanakatona ny varavarana isika. Eny àry.

¹⁴⁹ Avy eo dia akaton'ilay mpanara-maso ny varavarana. Inona no ataony? Mametraka tombokase iray eo amin'izany izy. Avy eo dia mandeha eto izy ary mihazona an'ireo fanaketohan-javatra kely ireo, mametraka an'io zavatra kely io eo ary manisy tombokase an'izany. Tsaratsara kokoa aminareo ny tsy mamaha an'izany. Raha ireo, io vagao io, ny fitodihany dia Boston, tsy azo vahana izany. Ho sazy fampidirana am-ponja ny mamaha an'io tombokase io mandra-pahatongany any Boston. Ary olona iray izay manana ny fahefana no afaka manokatra an'io tombokase io, ary izy irery ihany. Marina izany. Izany dia an'ny orinasandalamby *izao-sy-izao*. Tombokasen'izy ireo izany. Fiantohan'izy ireo ny hoe ity vagao ity dia voafatratra, ity vagao ity dia vonona. Azy ireo izany. Izy ireo dia tsy afaka mametraka ny "B&O" eo amin'ny "Pennsylvania." Tsy maintsy voaisy tombokase ianareo, ary rehefa voaisy tombokase izany.

¹⁵⁰ Ary rehefa voafatrtry ny Filazantsara ny Kristiana, feno ny fahatsaran'Andriamanitra, ny zavatra tsara rehetra an'Andriamanitra dia mipetraka ao anatiny, miaraka amin'ny fo iray misokatra, vonona hiasa, manaiky ny ho voapetraka ara-toerana, manao ny zavatra rehetra izay tenenin'ny Fanahy

Masina aminy mba hatao, tafafindra avy amin'ny fahafatesana ho amin'ny Fiainana, nohamasinina niala tamin'ireo zavatr'izao tontolo izao, mandeha ao amin'ny Hazavana raha tonga eo aminy ny Hazavana, mandroso, dia vonona izy. Amin'izay fotoana izay dia manakatona ny varavarany'izao tontolo izao aoriany Andriamanitra, ary manakaratoka an'izany miaraka tahaka an'izany, ka manisy tombokase azy amin'ny Fanahy Masin'ny teny fikasana. Haleloia! Mandra-pahoviana? Hatrany amin'ilay fitodiana. Aza mametraka azy eo amin'ilay lalamby ka manokatra azy ary mijery raha mety tsara indray ny zavatra rehetra. Mety tsara izany, avelao hipetraka tsara fotsiny izy. Efa nanara-maso azy ilay Mpanara-maso. Mandra-pahoviana ianareo no voaisy tombokase? Hatramin'ny andron'ny fanavotana anareo. Hatramin'izany ianareo no voaisy tombokase.

¹⁵¹ “Eny, rehefa maty ianao, arak'izany, Rahalahy Branham, ahoana ny aorian'ny ahafatesanao, nilaza ianao fa mbola manana Azy foana?” Manana Azy mandrakizay ianareo. Aiza no manomboka ny Fiainana? Eo amin'ny alitara. Eo mihitsy no ahitanareo aloka kely iray. Izany ilay aloka, ilay Tombokasen'ny Fanahy Masina. Avy eo dia aloka iray an'ireo aloky ny aloka izany, araka ny nolazaiko indray andro. Fa rehefa maty ianareo, dia manohy mitety an'ireo aloka ireo ianareo mandra-pahatonganareo eo amin'ny hamandoana, avy eo amin'ny hamandoana mankeo amin'ny loharano kely iray mitete, avy amin'ny loharano mankeo amin'ny helodrano, avy eo amin'ny helodrano mankeo amin'ny renirano, avy eo amin'ny renirano mankeo amin'ny ranomasimbe, hitanareo, an'ny fitiavan'Andriamanitra. Ilay olona iray ihany mihitsy ianareo.

¹⁵² Jereo eto. Saoly antitra, ilay mpiverin-dàlana antitra, tsy afaka nifandray tamin'Andriamanitra izy, kanefa tsy very izy. Tsy very tokoa izy. Mpaminany iray izy, saingy lasa tany ivelan'Andriamanitra fotsiny izy. Izany no antony, ry rahalahy, nilazako hoe, “Tsy very ianareo.” Koa noho izany dia tsarovy, nivoaka ny sitrapon'Andriamanitra fotsiny izy, koa noho izany ny zavatra voalohany fantatrareo, izy—tsy nanaiky izy. Ankehitriny, tsy tokony nilaza an'izany angamba aho. Eny ary, manohy mandeha fotsiny ho an'ny fiangonana faly iray aho izao hariva izao. Koa noho izany, fantatrareo, ary ny zavatra voalohany fantatrareo, oh, oadray, noho izany ny... Nandeha izy nankeo amin'ny—ny Orima Tomima.

¹⁵³ Fantatrareo hoe inona ny Orima sy Tomima, izany dia ilay aron-tratra, ilay efoda izay—izay nentin'i Arona. Ary efa izany foana ilay izy, Andriamanitra dia efa Andriamanitra iray ivelan'ny voajanahary foana izay mamaly amin'ny fomba ivelan'ny voajanahary. Ary rehefa naminany ny mpaminany iray, ka tsy tonga manerana an'io Orima Tomima io ireo hazavana

mahagaga ireo, dia diso izy. Rehefa mitenynofy ny mpanonofy iray ka tsy manjelatra eo amin'io Orima Tomima io izany, tsy ahoako na maneno tsara toy ny ahoana aza ilay izy, dia diso izany. Marina izany.

¹⁵⁴ Ary tsy ahoako na diplaoman'ny dokotera firy marina mihitsy aza no anananareo ary goavana toy ny ahoana ny rafipandaminanareo, rehefa maminany na mitory teny ianareo, ka tsy arak'ity Teny ity izany, dia diso ianareo, rahalahy. Ianareo dia... Ity no Orima Tomiman'Andriamanitra. Rehefa milaza ianareo fa tsy voafidy mialoha talohan'ny fanorenana an'izao tontolo izao ianareo, dia tsy hanjelatra izy, satria ny Baiboly no nilaza fa izany ianareo. Rehefa milaza ianareo fa ianareo dia tokony hatao batisa amin'ny anaran'ny "Ray, Zanaka, Fanahy Masina," dia tsy manjelatra izany, satria tsy nisy olona ao amin'ny Baiboly izay hany nataeo batisa tahaka an'izany. Amin'ny Anaran'ny Tompo Jesosy irery ihany. Tsy hanjelatra izany, noho izany dia misy zavatra tsy mety any ho any.

¹⁵⁵ Noho izany dia tsy namaly an'i Saoly antitra ilay Orima Tomima, ka tsy afaka nahazo nofy iray akory aza izy. Tena lasa lavitra izy hany ka tsy afaka nahazo nofy iray akory aza. Noho izany dia fantatrareo ve izay nataony? Nandeha nankany amin'ilay mpamosavy izy, ary ity mpamosavy antitra ity, ilay mpampianatra devoly antitra tany, mpampianatra mpamosavy. Ary hoy izy hoe, "Afaka misikidy ve ianao?"

¹⁵⁶ Hoy izy hoe, "Eny, saingy Saoly dia nilaza fa hovonoiny ny olona rehetra izay misikidy."

¹⁵⁷ Hoy izy hoe, "Izaho no hiaro anao," niakanjo tahaka ny miaramila mandeha an-tongotra iray. Hoy izy hoe, "Misikidia ho ahy ka ampiakaro eto ho ahy avy amin'ny tontolon'ny maty izay efa lasa any ankoatra any." Henoy ity ankehitriny. "Ampiaakaro ho ahy ny fanahin'i Samoela mpaminany."

¹⁵⁸ Dia niditra izy mba-mba hisikidy. Ary, rehefa nisikidy izy, dia lavo tamin'ny tavany, hoy izy hoe, "Mahita an'ireo andriamanitra miakatra aho." Hitanareo, mpanompo sampy iray izy, "ireo andriamanitra," roa na telo tamin'izy ireo, tahaka ny Ray, Zanaka, Fanahy Masina, na zavatra tahaka an'izany, fantatrareo. Hoy izy hoe, hoy izy hoe, "Mahita an'ireo andriamanitra miakatra aho."

¹⁵⁹ Hoy izy, "Fariparito ny aminy. Toy ny ahoana izy? Toy ny inona izy?"

¹⁶⁰ Hoy izy, "Mahia izy ary manana kapôty iray eo ambonin'ny sorony." Tsy niova izy, na kely aza.

¹⁶¹ Hoy izy hoe, "Samoela izany. Ampidiro ato amin'ity efitra ity izy, ento eto anatrehako eto izy."

¹⁶² Ary diniho rehefa tonga teo anatrehan'i Saoly i Samoela, hoy izy hoe, "Nahoana ianao no niantso ahy, satria efa lasa

fahavalon'Andriamanitra ianao?" Ary diniho. Tsy hoe mbola Samoela foana fotsiny ihany izy, fa mbola nikojakoja an'ilay fanahin'ny faminaniana foana. Lazao fa diso izany, aoka ny olona iray hilaza fa diso izany. Izany no Fahamarinana! Mbola mpaminany iray foana izy. Satria nilaza izy, naminany izy ka nanao hoe, "Ho lasa hanohitra anao ny ady rahampitso, ary ianao sy ny zanakao dia ho lavo ao anatin'ny ady rahampitso, ary amin'ny ora toy izao rahampitso hariva dia hiaraka amiko ianareo." Marina ve izany? Mbola mpaminany iray foana izy!

Ankehitriny hoy ianareo hoe, "Oh, saingy mpamosavy iray no nanao an'io."

¹⁶³ Eny àry, hiteny aminareo ny Anankiray izay tsy mpamosavy aho. Nentin'i Jesosy i Petera, Jakoba, ary Jaona, ka nandeha niakatra teo amin'ny Tendrombohitra Fiovan-tarehy indray mandeha, ary nitsangana teo an-tampon'ilay tendrombohitra. Ary, Jesosy, nametraka Ny Zanany Andriamanitra; tahaka ny ezahako izao...nananako indray hariva, fametrahana zanaka. Ary rehefa teo izy ireo, dia njery manodidina ka nahita fa nitsangana teo i Mosesy sy Elia. Niresaka izy ireo, nifampiresaka. Tsy hoe saina fotsy kely nitsingevana nanodidina, na rahona fotsy kely, raha ny marina, nitsingevana nanodidina. Fa lehilahy izy ireo, niresaka. Mosesy dia efa voalevina tao amin'ny fasana iray tsy nisy marika nandrity ny valonjato taona. Ary Elia dia efa lasa nody tany an-Trano tao anatin'ny kalesy iray, dimanjato taona. Ary teo izy roa, mbola velona tanteraka foana tahaka ny nahavelona azy ireo hatramin'izay, nitsangana teo niresaka Taminy talohan'ny Nandehanany nankeny Kalvary. Haleloia! "Voaisy tombokase hatramin'ny andron'ny fanavotana antsika!"

¹⁶⁴ Handeha haingana aho, ary avy eo dia hamarana isika satria tara izao, ary hivavaka ho an'ny marary, eo amin'ny dimy minitra amboniny eo. Andininy faha-14, hamaky, mamelà ahy hamaky ny faha-13 indray, haka an'izany, foto-kevitra.

*Tao aminy ianareo...nanantena, rehefa avy renareo
ny tenin'ny fahamarinana, ny filazantsaran'ny
famonjenareo:...*

¹⁶⁵ Tsarovy ankehitriny, famonjena inona no azon'izy ireo? Ireto dia—ireto dia Kristiana Efesiana. Izy ireo, jereo ankehitriny, efa voamarikareo ve ireo Korintiana? Tsy maintsy niteny tamin'izy ireo foana izy hoe, "Rehefa tonga eo anivonareo aho, ny anankiray manana fiteny tsy fantatra, ny anankiray manana fiteny tsy fantatra, ny anankiray manana salamo, ny anankiray manana faminaniana, ny anankiray manana..." Hitanareo, tsy afaka nampianatra na inona na inona azy ireo izy, satria izy ireo dia naniry foana an'ity, itsy na ny hafa. Ireto olona ireto dia nanana an'ilay zavatra iray ihany, saingy nanana an'izany tao amin'ny lamina izy ireo. Tsy nampianatra an'ireo Korintiana na inona na inona tahaka an'io mihitsy izy, tsy afaka izy, tsy

tao amin'ny lamina hampianarana an'izany ilay fiangonana. Ankehitriny, afaka nampianatra an'ireto olona ireto an'ilay tena zavatra izy.

...izay, *ny famonjenareo: tao aminy koa rehefa...*
nino ianareo, ianareo no nasiana tombokase tamin'ny
Fanahy masin'ny teny fikasana,

Dia ny antoka... (oh, aoka tsy ho lalovako fotsiny izany)... ny antoky ny lovantsika hatramin'ny... fanavotana ny fananana voavidy, ho fiderana ny voninahiny.

Fioo!

¹⁶⁶ Inona ny Fanahy Masina? Ankehitriny, avy eo dia hamaky ny sisa amin'izany tena haingana aho raha haharitra miaraka amiko ianareo hatreto. Taiza no nisy antsika indray hariva, Rahalahy Mike? Teo amin'izay nahafaly azy rehetra, oh, ny zavatra rehetra dia filaminana, izany no fitiavana tanteraka. Ankehitriny, isaky ny tonga eto amin'ity lâlana ity ianareo dia mandatsaka kely, mandatsaka. Isaky ny manao dingana iray ianareo, dia miha-mihena inches. Rehefa midina hatreto amin'ny tany ilay izy, dia mahazo aloka iray an'ny aloky ny alok'ireo aloka ianareo. Ankehitriny, izany no hoe toy ny ahoana ny habetsahan'ny Fanahy Masina anananareo ao anatinareo. Izany no fitiavana. Fa, oh, mangetaheta zavatra ianareo.

¹⁶⁷ Oh, tsy ireo olona antitra ve ohatra, ireo olona antitra... Toy ny ahoana no itiavako hiverina ka ho dimy ambin'ny folo taona indray, roapolo taona! Oh, hanome ny zavatra rehetra aho. Inona no soa hataon'izany amiko? Afaka ny ho dimy ambin'ny folo taona aho nefo ho faty izao hariva izao. Tsy azo antoka izany. Ahoana moa raha dimy ambin'ny folo taona ianareo izao hariva izao, ahoana no ahafantaranareo raha ho velona i neny, amin'ny fotoana ahatongavanareo any an-trano, na tsia? Ahoana no ahafantaranareo fa ho tonga any an-trano ianareo? Ahoana no ahafantaranareo fa ho velona ianareo rahampitso raha roa ambin'ny folo taona ianareo, salama tanteraka? Mety ho faty ao anatin'ny loza iray ianareo, maty tampoka, ny zavatra rehetra mety hitranga aminareo. Tsy azo antoka, hitanareo. Tsy misy na inona na inona azo antoka eto. Fa maniry fatratra an'izany ianareo. Inona izany? Izany dia Ilay Any ambony any no manao anareo haniry fatratra an'izany.

¹⁶⁸ Ankehitriny, miditra ao amin'Ity ianareo, amin'izay fotoana izay ianareo dia manana ny Fiainana Mandrakizay. Ankehitriny dia inona no mitranga? Izany ilay "antoka."

¹⁶⁹ Inona ny anto-bola na zavatra iray? Raha manatona anareo aho mba hividy fiara, dia hoy aho hoe, "Ohatrinona ity fiara ity?"

¹⁷⁰ Hoy ianareo hoe, "Ity fiara ity, Rahalahy Branham, dia vidianao telo arivo dolara."

“Ohatrinona ny arotsaka mialoha?”

“Eny, havelako hahazo azy amin’ny dimanjato dolara ianao.”

¹⁷¹ “Eny àry, ity ny dimanjato dolara. Izaho dia—ho entiko aminao ny sisa amin’izany indray andro any, haingana arak’izay vitako. Hazony ilay fiara.” Omeko dimanjato dolara ianareo, izany ilay antoka. Marina ve izany?

¹⁷² Ankehitriny, hazony izany, izany ilay “antoka,” izany ilay “arotsaka mialoha.”

...ianareo rehefa *nasiana tombokase* tamin’ny...

Fanahin’ny teny fikasana, ny... Fanahin’ny teny fikasana, ...ianareo rehefa voaisy tombokase...

Dia ny...

Inona, inona ny Tombokasen’ny teny fikasana, ny Fanahy Masin’ny teny fikasana?

Dia ny antoky ny lovantsika hatramin’ny... fanavotana ny fananana voavidy,...

¹⁷³ Inona izany? Izany ilay arotsaka mialoha. Ary, rahalahy, oh, oh, oh, oh, oh, ry mpitory teny! Raha izany no ilay arotsaka mialoha, dia ho inona izany rehefa tonga any isika rehetra! Ho inona izany? Raha izany no ilay... Raha izany no ifalantsika ankehitriny, ary lasa tena faly hany ka... Efa nahita lehilahy sivifolo taona tonga mihtsy aho...

¹⁷⁴ Efa nahita mpitory teny antitra iray aho izay nitsangana indray hariva. Tonga izy, nilaza izy... Tahaka an’izao, tonga teo amin’ny lampihazo. Dia hoy aho hoe, “Io lehilahy antitra io ve no history teny?”

¹⁷⁵ Hoy izy hoe, “Eny, isaorana ny Tompo.” Lehilahy antitra mainty hoditra iray, nanao akanjon’ny mpitory teny lava goavana be.

¹⁷⁶ Hoy aho hoe, “Nahoana no tsy ireo mpitory teny tanora ireo no navelan’izy ireo history? Io lehilahy antitra io, ahoana no mba ahafahany history teny?”

¹⁷⁷ Hoy izy hoe, “Eny,” hoy izy, “rahalahy,” hoy izy, “efa nandre an’ireo rahalahy nitory teny aho androany tontolo andro,” hoy izy, “mikasika an’izay nataon’i Jesosy teto antany. Hiteny an’izay Nataony tany An-danitra aho.” Hoy izy hoe, “Handray ny lahateniko avy ao amin’ny Joba 7:27 aho izao hariva izao,” hoy izy, “rehefa tany aorianana tany talohan’ny fanorenana an’izao tontolo izao ilay izy,” hoy izy, “rehefa nilaza Izy fa niara-nihira ireo kintan’ny maraina ka nihiaka fifaliana ireo zanak’Andriamanitra.” Nanomboka tahaka an’izany. Hoy izy, “Fantatrareo io, nisy zavatra niseho tany.” Hoy izy hoe, “Fantatrareo...” Ary nanomboka naneho an’izay niseho tany An-danitra izy. Nentiny nidina ilay avana mitsivalana nankao amin’ny Fihaviana faharoa. Saiky tamin’io

fotoana io, dia nandona azy ny Fanahy Masina. Ankehitriny, tsy maintsy nitarika an'ilay lehilahy antitra izy ireo, nanodidina ny dimy amby sivifolo taona izy. Tahaka an'izao fotsiny izy, nanjoko tanteraka, ary sisim-bolo kely fotsiny, fantatrareo, tahaka an'izao. Tonga teo ary nanomboka nitory teny, nanao hoe, “Ioopii! Haleloia! Voninahitra!” Nandeha nitsambikina ambony sy ambany tahaka an'izany. Hoy izy, “Oh, tsy manana efitra ampy hitoriako teny ianareeo eto.” Dia lasa, nidina teo amin’ny gorodona tahaka an'izany, haingana arak'izay azony nandehanana. Ary ilay antoka fotsiny izany. Oh!

¹⁷⁸ Inona no atao'n'ny Fanahy Masina? Oh, ity no toerana tsara iray, mamele à ahy hamaky ny andininy faha-1 an'ilay toko manaraka. Afaka ve aho? Mety tsara ve izany? Manaova hoe, “Amena.” [Hoy ny fiangonana hoe, “Amena!”—Mpand.] Eny àry, ny andininy faha-1 an'ny toko faha-2, haingana mihitsy. Henoy. “Ianareo izay efa...ianareo...”

Ary ianareo izay efa novelominy, izay efa anankiray...izay efa maty tamin'ny fahadisoanareo sy ny fahotanareo:

¹⁷⁹ “Ianareo izay efa Novelominy.” Inona no dikan’ny hoe *novelomina*? “Natao velona.” Saiky maty mihitsy, fa Izy no namelona anareo fotsiny tamin’ny alàlan'ilay anto-bola. Ho toy ny inona izany rehefa ianareo—rehefa azonareo marina tokoa ireo anjara rehetra efa voaloa? Oh! Tsy mahagaga i Paoly, nakarina tany amin’ny lanitra fahatelo, nanao hoe, “Tsy mbola hitan’ny maso; tsy mbola ren’ny sofina; na tsy mbola nuditra, nuditra tao am-pon’ny olona, izay atao’Andriamanitra ho an’ireo (ao amin’ny fitehirizana) izay tia Azy.” Ho toy ny inona izany! Miresaka ny amin’ny fifaliana tsy hay lazaina sy feno voninahitra ianareo! Fioo! Ahm! Ianareo izay efa maty tao amin’ny fahotana sy fahadisoana fahiny no Novelominy niaraka tamin’ny alàlan’ny aloky ny alok’ireo aloka. Ho inona izany rehefa tonga eo amin’ny alok’ireo aloka mankao amin'ilay aloka ianareo, ilay aloka avy eo dia mankao amin’ny helodrano, ny helodrano mankao amin’ny renirano, ny renirano mankao amin’ny ranomasimbe?

¹⁸⁰ Ary inona izany rehefa lasa lavitra ao amin’ny fanavotana ianareo, miaraka amin’ny vatana iray tena vaovao, niverina ho lehilahy tanora iray manontolo indray ianareo, na vehivavy tanora iray, tsy ho faty intsony mihitsy ianareo? Ary mijery ambany eo amin’ny tany ianareo, ka mieritreritra hoe, “Afaka hankasitraka an’ireo voaloboka sasantsasany aho sy rano mangatsiaka tsara sasantsasany, saingy, fantatrareo, tsy mila an’izany aho eto. Fa indray andro any dia ho avy Jesosy, ka ity vatan’anjely ity, ity teofania izay itoerako ity...” Tsy hivoaka avy ao amin’ny kibon’ny vehivavy iray intsony, tsy hivoaka avy amin’ny faniriana ara-pananahana intsony izany; fa satria Izy dia teraka tsy nisy faniriana ara-pananahana, dia

hatsangana tsy hisy an'izany aho, ary hiteny Izy indray andro any ka hitsangana ny maty ao amin'i Kristy, ary ity vatana izay nitoerako fahiny ity dia hitsangana ao amin'ny vatana nomem-boninahitra iray, ka handeha aho ary hiresaka, ary ho velona aho ka hifaly (haleloia), ho velona mandritr'ireo taona Mandrakizay izay ho avy aho, amin'ny alàlan'i Jesosy Kristy Tompontsika. Fioo! Eo ianareo izao, rahalahy, izany no Filazantsara!

¹⁸¹ “Noho izany izaho koa,” miteny mihitsy an’izay maha-izy azy i Paoly ankehitriny. Hamaky ny sisa amin’ity aho ary avy eo dia hivavaka ho an’ny marary isika. “Hatramin’ny fananana, dia ity no antoka hatramin’ny fananana, ho fiderana ny Voninahiny.”

Noho izany izaho koa, rehefa avy nandre ny finoanareo
(Efa reko fa nino an’ity karazan-javatra ity ianareo,
reko fa nino marina tokoa ny fifidianana mialoha
ianareo, ny Fiainana Mandrakizay, sy ny famonjena,
sy ny sisa) an’ny Tompo Jesosy, sy ny fitiavana ny
rehetra . . . ireo olo-masina,

Tsy mitsahatra misaotra aho ho anareo, mahatsiaro
anareo ao amin’ny fivavako;

Mba ilay Andriamanitr’i Jesosy Kristy Tompontsika,
ilay Rain’ny voninahitra, anie hanome anareo
ny fanahin’ny fahendrena sy ny fanambarana . . .
fahalalana azy: Manohy manambara ny Tenany aminareo foana, mitombo avy amin’ny fahasoavana mankany amin’ny fahasoavana, avy amin’ny hery mankany amin’ny hery, voninahitra mankany amin’ny voninahitra. Tsy mihemotra; ary, fa avy amin’ny voninahitra mankany amin’ny voninahitra, manohy mandroso. Hanohy hivavaka ho anareo aho.

Ny maso—ireo mason’ny fahazoanareo . . .

¹⁸² Ham! Fantatrareo, voalaza ao amin’ny Baiboly fa jamba ianareo nefo tsy nahafantatra an’izany. Fa eto dia hoy i Paoly hoe, “Hivavaka aho mba ireo mason’ny fahazoanareo . . .” Mahazo amin’ny fonareo ianareo. Izany no resahany. Mijery amin’ny masonareo ianareo, saingy mahita amin’ny fonareo. Fantatrareo izany. Eny àry. “Mba ilay Andriamaniry ny Voninahitra . . .” Ndaojerentsika, ny—ny andininy faha-18.

Ireo mason’ny fahazoanareo hampahiratina; mba ho
fantatrareo izay fanantenana avy amin’ny fiantsoana, sy
izay haren’ny . . . voninahitry ny lovany eo amin’ireo olo-
masina,

Ary ny fihoaran’ny halehiben’ny heriny ho antsika . . .
(fioo! Milaza ve izy ireo fa lasa ny hery? Tsy mbola tonga
akory aza ny hery) . . . izay mino, araka ny fiasan’ny
heriny mahery,

Ianareo izay nino ny fiasan'ny Heriny mahery, mivavaka fotsiny aho mba handrotsahan'Andriamanitra mihitsy ny Heriny eo aminareo. Hitanareo?

Izay nataony tao amin'i Kristy, rehefa nanangana azy izy tamin'ny—azy tamin'ny maty, ary nampitoetra azy teo an-tàhana ankavanana tao... amin'ireo toeran-danitra,

Ambony lavitra... fanapahana,... fahefana,... hery,... fanjakana, ary izay anarana rehetra izay tononina,...

¹⁸³ Oh, oh, oh! Man-... Tsia, tsaratsara kokoa ho ahy ny tsy manao. Azo antoka fa afaka haka ny sisa amin'ny hariva eo amin'izany isika.

... ny anarana rehetra izay tononina, tsy amin'izao fiainana izao ihany, fa amin'ny fiainana ho avy:

¹⁸⁴ Inona ny rehetra—inona ny anarana rehetra? Ny anarana rehetra an'ny olona rehetra dia hitondra ny Anarana inona? [Hoy ny fiangonana hoe, “Jesosy.”—Mpand.] Ny Lanitra manontolo dia antsoina hoe Jesosy. Ny Fiangonana manontolo dia antsoina hoe Jesosy. Ny zavatra rehetra dia antsoina hoe Jesosy, satria Izany no Anarana tokana izay hany nananan'Andriamanitra. Nantsoina hoe Jehovah Izy; Jehovah-jire, ny Fanatitra nomanin'ny Tompo; Jehovah-rafa, ny Tompo izay manasitrana anao; Jehovah, ny fanevan'ny Tompo, Manase; ary Jehovah, ireo Jehovah samihafa. Nantsoina hoe ny Kintan'ny Maraina Izy. Nantsoina hoe Ray Izy, nantsoina hoe Zanaka Izy, nantsoina hoe Fanahy Masina Izy. Nantsoina hoe Alfa Izy, nantsoina hoe Omega Izy. Nantsoina hoe Fiandohana Izy, nantsoina hoe ny Fiafarana Izy. Nantsoina hoe ny Rantsana Izy. Oh, Izy dia nantsoina... Izy dia nantsoina tamin'ireo karazana titra rehetra mihitsy, saingy nanana Anarana anankiray Izy.

¹⁸⁵ Izany no noresahan'i Matio, rehefa hoy Izy hoe, “Mandehana ianareo arak'izany ka ampianaro ny firenena rehetra, manao batisa azy ireo amin'ny Anarana,” tsy hoe ireo anarana, “amin'ny Anaran'ny Ray, Zanaka, ary Fanahy Masina.” Tsy anarana ny Ray, tsy anarana ny Zanaka, tsy anarana ny Fanahy Masina. Titra iray ho an'ny Anarana izany. Izany dia Anarana iray an'ireo toetra telo izay an'Andriamanitra anankiray. Inona Ny Anarany? Hoy ny Anjely hoe, “Ianao dia hiantso Ny Anarany...” [Hoy ny fiangonana hoe, “Jesosy.”—Mpand.] “fa Izy no hamonjy ny Olony amin'ny fahotany.” Izany no antony nanaovan'izy rehetra batisa tahaka an'izany ao amin'ny Baiboly. Tahaka an'izany no nanaovan'i Masindahy Augustin batisa ny Mpanjakan'i Angletera, teo—teo amin'ny dimampolo amby zato, roanjato taona taorian'ny fahafatesan'i Kristy, tamin'ny Anaran'i Jesosy Kristy. Eny àry.

Ambony lavitra . . . fanapahana, . . . fahefana, . . . hery, . . . fanjakana, izay—izay anarana rehetra izay tononina, tsy amin'izao fiainana izao ihany, fa amin'izay ho avy koa:

Ary efa nametraka ny zavatra rehetra eo ambanin'ny tongony, ka efa nanome azy mba ho lohany manapaka ny zavatra rehetra ho an'ny fiangonana,

Izay ny tenany, . . .

¹⁸⁶ Ankehitriny, raha manana ny fahefana eo amin'ny zavatra rehetra ny vatako, amin'izay fotoana izay dia ny vatako no izay maha-izy ahy. Marina ve izany? Izany no maha-izy ahy, tahaka an'izany no ahafantaranareo ahy. Marina ve izany? Eny, noho izany, izay naха-izy an'Andriamanitra rehetra, dia Narotsany tao amin'i Jesosy, satria Izy no fahafenoan'ny maha-Andriamanitra ara-batana. Marina ve izany? Ary izay rehetra naха-izy an'i Jesosy, dia Narotsany tao amin'ny Fiangonana, "Ireo zavatra izay Ataoko, dia hanao ny zavatra rehetra koa ianareo. Lehibe noho izany aza no hataonareo, satria mankany amin'ny Ray Aho."

Izay ny tenany, ny fahafenoan'izay mameno ny rehetra amin'ny rehetra.

¹⁸⁷ Oh, toy ny ahoana no itiavako an'izany! Toy ny ahoana no itiavako an'izany! Namaky boky iray aho indray andro izay nosoratana mikasika ny dia iray izay nandehanako nanao asam-panompoana—asam-panompoana tany Afrika. Tsy mbola namaky azy mihitsy aho tany aloha. Firy no efa mba namaky an'ilay boky, *Mpaminany Mitsidika An'I Afrika?* Nijery zazalahy Indiana kely aho tao anatiny tao. Firy no efa nahita an'io sary io?

¹⁸⁸ Nandre evanjelista anankiray aho, izay nivavaka ho an'ny marary nandrity ny teo amin'ny dimy ambin'ny folo taona teo na mihoatra, hoy izy hoe, "Tsy mbola nahita fahagagana iray natao mihitsy aho teo amin'ny fiainako." Hoy izy hoe, "Efa nahita olona izay nolazain'izy ireo fa tratry ny aretin'an-doha aho, lasa salama. Efa nahita olona izay nilaza fa tratry ny aretin-kibo aho, lasa salama, sy ny sisa. Fa ny fahagagana iray, zavatra iray izay namorona ka nahavita zavatra iray . . ."

¹⁸⁹ Nieritreritra aho fa tokony nitsangana tany io zazalahy io ka nahita an'izany. Ny ranjon'io zazalahy Indiana io dia saiky goavana tahaka an'izao, ny iray tamin'izy ireo. Ilay anankiray hafa dia ranjo ara-dalana tahaka ny ranjon'olombelona iray. Ary, raha mahamarika ianareo, ny fitaovany, teo ny kirarony izay teo amin'ny efatra ambin'ny folo inches na dimy ambin'ny folo inches ny haavony, tahaka an'izao. Nanana vy fisaka iray izy teo amin'ny fanambanin'izany. Ny kirarony dia nipetraka teo an-tampon'ny tohana roa lava izay nitsangana. Nandeha hatreо amin'izay nitsanganako izy, izy ireo no nampakatra azy teo. Nanana tehina roa izy. Nalainy io kiraro vy goavana io ka

natontony tahaka an'izao. Nojereko ny ranjony, izany dia saiky goavana tahaka an'izao.

¹⁹⁰ Ankehitriny, ireo olona ireo dia Mohametana, Mohametana. Tsaroanareo ve tamin'ny Alahady lasa rehefa namaky taminareo an'izay nosoratan'ireo gazety aho? Manana azy mihitsy ny tenako eto, avy any Afrika, nalefan'ny misionerantsika izay niverina ho ahy, Rahalahy Stricker. Misy an'ilay lahatsoratra hoe toy ny ahoana no nihemoran'i Billy Graham teo amin'izany. Marina tokoa. Namela ny Mohametana hanosika azy ireo mihitsy ho any an-dranomasina izy ireo. Inona ilay olana? Niala teo amin'ny saha ireo misionera. Inona no ilaina ny hijanonana ela, voakaravasy fotsiny izy ireo.

¹⁹¹ Tiako i Billy Graham, ary heveriko fa lehilahin'Andriamanitra iray mahafinaritra izy. Saingy ny tokony nanoheran'i Billy Graham azy, dia nanao hoe, "Andraso iray minitra..." raha namela azy hanao an'izany ireo Batista madity ireo, dia mino aho fa ho nataony izany. Mino aho fa lehilahin'Andriamanitra iray i Billy Graham. Fa raha nilaza izy hoe, "Andraso iray minitra! Mpitoritenin'ny Filazantsara iray aho. Mino ny Testamenta Taloha ianao, ary ianao no nilaza fa Jesosy dia tsy misy afa-tsý lehilahy iray fotsiny. Mihaika anareo eo amin'ny adi-hevitra iray aho." Tsy mino ny fanaovana an'ireo fihaikan'ny devoly aho, tsia tompoko, saingy ho nihaika azy indray aho, ka nanao hoe, "Ndao izaho sy ianareo ho tonga miaraka. Izaho dia Mpampianatra iray ny momba an'Andriamanitra," Billy Graham dia Mpampianatra iray ny momba an'Andriamanitra. "Mamelà ahy hihaika anareo eo amin'ity, ka mamele ahy hanaporofo aminareo fa Jesosy no Kristy. Ankehitriny, rehefa tonga amin'ny fanasitranana avy amin'Andriamanitra ilay izy, tsy manana an'ireo fanomezam-pahasoavana ireo aho, saingy manana rahalahy sasantsasany isika izay manana. Ankehitriny, raha te-hitondra an'ireo olona any ireo ianareo, dia mamele ahy fotsiny hiantso ny iray amin'izy ireo, Oral Roberts na olona iray, olona iray izay manana asam-panompoana lehibe mba ho tonga any marina tokoa." Tonga tany, ary amin'izay fotoana izay dia ho nahita an'izay niseho, manao hoe, "Ny Kristianisma dia tsy arak'izay hiheveranareo azy."

¹⁹² Ankehitriny dia mahatsapa ho diso fanantenana ny olona rehetra satria niala fotsiny izy ary nandao azy. Mazava ho azy, ankehitriny, tsy mino aho fa ny devoly no manome anareo fihaikana iray. Efa nandrora teo amin'ny tavany tahaka an'izany koa aho, ary nanalavitra azy. Marina izany. Fa rehefa tonga eo amin'ny toerana iray ilay izy izay... Billy dia afaka nanao—afaka nanao an'io Mohametana io hahatsapa ho toy ny ahidratsy kely iray tahaka an'izao. Afaka nandray an'io Baiboly io izy ka naka ny Isaia 9:6, ary nanao hoe, "Iza no noresahany hoe, 'Zaza no teraka ho antsika, Zazalahy no nomena antsika'?"

Iza io Lehilahy io? Iza Io resahany io? Iza io Mpaminany io? Iza io Mesia izay ho avy io? Asehoy ahy hoe taiza ny Nanehoany ny Tenany tao amin'i Mohameta. ‘Izy dia voalefona nohon’ny fahadisoantsika, notorotoroina nohon’ny helotsika, ny famaizana ho an’ny fiadanantsika no teo Aminy, tamin’ireo Dian-kapony no nahasitranana antsika.’ Asehoy ahy izany ao amin'i Mohameta. Toy ny ahoana no Niantsoantsoany hoe, ‘Ry Andriamanitro, Ry Andriamanitro, nahoana no nahafoy Ahy Ianao? Tsindronin’izy ireo ny Tànako sy ny Tongotro,’ sy ny sisa? Asehoy ahy amin’ny alàlan’ny teninareo manokana, ny testamentanareo manokana.” Nahoana, ho nikapoka mafy an’io Mahometana io izy hany ka tsy ho fantany izay nisy azy. Marina izany.

¹⁹³ Fa rehefa tsy maintsy namadika ilay gazety, dia izany no nandratra, izany no nanao ny foko hitroatra. Rehefa voalaza tao hoe, “Na dia tsy maintsy nihemotra aza i Billy ka nanao fihemorana, dia ahoana no ahafahan’ireo Mohometana hilaza fa diso izany,” nanao hoe, “nefa Rev. William Branham tany Durban, Afrika Atsimo, teo amin’ny fahagagana sy fahagagana tsy azo lavina, hery avy amin’Andriamanitra, rehefa Mohometana iray alina no lavo teo amin’ny tavany tamin’ny fotoana iray ka nanolotra ny fiainany ho an’i Jesosy Kristy.” Tanteraka tokoa. Fantatr’izy ireo ny amin’izany. Fantatr’ireo mpanara-pototra ireo ny amin’izany. Aza miteny amiko ianareo.

¹⁹⁴ Indray mandeha dia nisy anankiray nanatona an’i Jesosy, nanao hoe, “Raby!” Fantatrareo fa Fariseo iray izy. Hoy izy, “Fantatray fa Mpampianatra iray avy tamin’Andriamanitra Ianao. Fantatray izany. Fantatray izany, satria tsy misy olona afaka manao an’ireo zavatra izay Ataonao raha tsy Andriamanitra no momba azy. Azonay. Fantatray izany. Saingy tsy afaka miaiky an’izany fotsiny izahay, hitanao, satria raha miaiky izahay, eny, dia ho voaroaka avy ao amin’ny fiangonanay. Hitanao, hahavery ny lazanay izahay.” Ary noho izany dia nilaza Jesosy, nanomboka niteny taminy fa tsy maintsy hateraka indray izy.

¹⁹⁵ Mikasika an’ity zazalahy Mohometana ity, rehefa nitsangana teo izy, ity ny sariny. Tsy haka lainga iray ny fakan-tsary. Io izy mitsangana eo, ny ranjo anankiray fohy kokoa tahaka an’izao (eo amin’ny efatra ambin’ny folo inches) noho ilay iray hafa, nitsangana tao amin’io kiraro vy io. Nilaza taminy aho, hoy aho hoe, “Miteny Anglisy ve ianao?”

¹⁹⁶ “Tsia, tompoko.” Tsy mahay miteny Anglisy izy. Hoy ilay mpandika teny hoe, “Tsy miteny Anglisy izy.”

“Hafiriana no tahaka an’izao azy?” Nanontany azy ilay mpandika teny.

“Hatramin’ny fahaterahana.”

“Tsy afaka manetsika ny ranjonao mihitsy ve ianao?”

“Tsia, tompoko.”

“Mino an’i Jesosy Kristy ve ianao?”

Hoy izy, “Mohametana aho.”

Hoy aho hoe, “Hanaiky an’i Jesosy Kristy ve ianao raha hanao anao ho salama Izzy?”¹⁹⁷

¹⁹⁷ “Hanaiky an’i Jesosy Kristy ho Mpamonjiko aho raha manao ahy ho salama Izzy.”

¹⁹⁸ “Raha hanao an’io ho salama Izzy, io ranjo io ho lasa tahaka an’ilay hafa, dia hanaiky Azy ve ianao?”

“Hanaiky aho.”

¹⁹⁹ “Eny, Andriamanitra, inona no Hataonao?” Izany ilay zavatra manaraka; voavalys ireo fanontaniana rehetra. Rahalahy Mike, izany ilay fahatsapana. Niandry iray minitry fotsiny aho mba hahita an’izay ho Lazainy. Nijery teo aho ary nahita an’ilay zazalahy nandeha, nandehandeha, toy ny hoe teo akaikin’ireo rindrina tahaka an’izao. Hoy aho hoe, “Firy aminareo Mohametana no hanaiky an’izany? Indro ny zazalahy Mohametana iray, jereo izy, atsangano eo izy.” Hoy aho hoe, “Ianareo dokotera, te-hijery azy ve ianareo? Indro izy mitsangana.” Oh, fantatrareo izay misy anareo arak’izany. Hitanareo, fantatrareo izay itsangananareo. Tsy nisy olona... Teo izy.

²⁰⁰ Hoy aho hoe, “Mandehana manodidina tahaka an’izao, anaka.” Dia noraisin’izy ireo izy, indro izy tonga. (“Ta-lomp, ta-lomp.”) Hoy aho hoe, “Toy ny hoe teo amin’ny roa ambin’ny folo, efatra ambin’ny folo inches fohy kokoa. Saiky tahaka an’izao.”

“Hia.”

²⁰¹ Hoy aho hoe, “Saingy Jesosy Kristy ilay Zanak’Andriamanitra dia afaka manao azy ho salama. Hanaiky an’izany ve ianareo Mohametana ka hanaiky Azy ho Mpamonjy manokana?”

²⁰² Nisy an’arivony tamin’ireo tànana mainty tany nitsangana nanerana tahaka an’izao. “Eny, Tompo, izao no fotoana.” Hoy aho hoe, “Ray any An-danitra, raha mba namaly Ianao, dia valio aho ankehitriny, izao dia ho an’Ny Voninahitram, izao dia ho Anao. Mivavaka aho mba Hanaovanao an’ity zazalahy ity ho salama.” Nivavaka ho azy tahaka an’izany fotsiny aho.

²⁰³ Hoy aho hoe, “Esory ny kiraronao.” Nijery ahy tena hafahafa mihitsy izy, ilay mpandika teny. Hoy aho hoe, “Esory ny kiraronao.” Novahany izany. Satria efa nahita an’io fahitana io aho, izay hitranga. Nesoriny io zavatra io. Rehefa nalainy indray ilay izy ka namindra hatreo amiko izy, dia ara-dalàna mihitsy ireo ranjo roa, satria izy roa ireo dia namindra tahaka ny vaovao. Hoy aho hoe, “Te-handeha mandroso sy miverina ve ianao?”

²⁰⁴ Nanomboka nitomany tahaka an'izao izy, nandeha nandroso sy niverina, tsy fantany izay hatao. Namindra tahaka an'izao, hoy izy hoe, "O Allah! Allah!"

Hoy aho hoe, "Jesosy! Jesosy!"

Oh, oh, oh! "O Yeso! Yeso," tamin'izany. "Yeso! Yeso," tahaka an'izany.

Hoy aho hoe, "Misy fanontaniana ve, misy fanontaniana?"

²⁰⁵ Julius Stadsklev, firy no mahafantatra azy? Rahalahy Stadsklev izay tonga teto amin'ny fiangonana teto; vao—vao avy nandeha tany Alemania. Hoy izy, "Iray minitra fotsiny, Rahalahy Branham, iray minitra fotsiny." Mba hitondra mpaka sary iray haingana mihitsy. "Afaka maka ny sariny ve aho?"

Hoy aho hoe, "Malalaka ianao."

²⁰⁶ "Mandehana eto, mitsangàna amin'ny kiraronao eto." Nitsangana tahaka an'izao izy, naka ny sarin'ilay zazalahy teo, niaraka tamin'ny ranjo roa ara-dalàna mihitsy ary nahitsy arak'izay naха-izy azy ireo. Nitsangana teo ny kirarony tranaindy sy ny fitaovery, tahaka an'izao, tahaka an'izao.

²⁰⁷ Hoy aho hoe, "Firy aminareo Mohametana ankehitriny no handà an'i Mohameta ho mpaminany, ka hino an'i Jesosy ho ilay Zanak'Andriamanitra, ary hanaiky Azy ho Mpamonjinareo manokana?" Tànana iray alina no nitsangana. Haleloia! Izy ireo dia tsy mila ny . . .

²⁰⁸ Miezaka izy ireo ny hanafina an'izany, satria isika dia "holy rollers," no iantsoany antsika, hitanareo. Na izany aza, dia mihetsika Andriamanitra. Eo am-pametrahana Ny Fiangonany Izy. Izy dia manao mihoatra, betsaka ambonin'izay rehetra azontsika atao na eritreretina mihitsy aza. Mbola Andriamanitra foana Izy izao hariva izao tahaka ny naха-izy Azy hatramin'izay.

²⁰⁹ Noho izany, ry sakaiza kely, mamele ahy hiteny zavatra iray aminareo izao ankehitriny izao. Ry oloko sarobidy malala, ianareo eto amin'ity firenena ity, sy ireo hafa ao amin'ny fihainoana horonam-peo izay ho any ampitan-dranomasina ary na aiza na aiza misy anareo, aza matahotra. Mety tsara ny zavatra rehetra. Andriamanitra Ray, talohan'ny fanorenana an'izao tontolo izao, dia efa nahafantatra ny zavatra rehetra izay hitranga. Mandeha tsara mihitsy ny zavatra rehetra. Tianareo ve Izy? Hazony hahitsy ny fonareo.

²¹⁰ Ary, tsarovy, rehefa hifindra avy amin'ity fiainana ity io fofon'aina io, ho anareo olona antitra na ho anareo olona tanora, ary ianareo reny, rehefa mahita ny zaza kelinareo ianareo, io zazavavy kely izay maty io fony izy valo andro na dimy andro, ho vehivavy tanora tsara tarehy iray izy rehefa mahita azy ianareo. Io Dadabe izay manjoko tanteraka io, zara izy raha nahita an'izay nalehany; rehefa mahita azy ianareo, ry nenibe, ho lehilahy tanora iray tena tsara tarehy izy, tanora mihitsy saiky

roapolo taona, ao amin'ny famirapiratan'ny hatanorana mihitsy. Ary ho tahaka an'izany mandrakizay izy. Afaka mikasika ny tànany ianareo, afaka mifandray tànana aminy ianareo. Hanipy ny sandrinareo manodidina azy ianareo, saingy izy tsy ho "vadikely," izy dia ho "anadahy." Oh, oadray! Ho tena lehibe noho ny "vadikely" izy. Mihevitra ve ianareo fa nitia azy? Azo antoka fa nitia ianareo. Saingy izany no *fileo*; fa miandrasa mandra-pahazoanareo ny *agape*. Miandrasa mandra-pitoetran'io tena fitiavana Masina io, ary avy eo dia jereo hoe inona izany. Ity eto ity dia tahaka ny fanarium-pako tranainy manetroka iray, tsy tsara izy, tsy misy na inona na inona aminy. Ny zavatra tokana hanoroako hevitra anareo mba hatao ankehitriny, dia ity, ry—ry—ry sakaizako...

²¹¹ Any aoriana kely aho dia... Tianareo ve ny handraisako an'ireo toko roa hafa indray andro? Ny Tompo... Izaho—tsy maintsy miala sasatra kely fotsiny aho mialohan'i Chautauqua. Ankehitriny, tsy afaka mitory an'ireto zavatra ireto aho ao amin'ireo favoriana ireo. Misy maro loatra ny tsi-...finoana samihafa maro loatra. Hitanareo? Ity dia ny fiangonana irey fotsiny. Hitanareo? Izaho tsy afaka... Manana zò hitory an'izay tiako toriana aho eto. Tabernaklako ity, hitanareo, ary miteny aminareo aho. Ankehitriny, mino aho fa voavonjy ireo olona ireo. Eny, tompoke, mino an'izany marina tokoa aho. Saingy, oh, tsy mihoatra noho izany ve ny mandeha rehefa fantatrareo izay andehananareo. Mihoatra toy ny ahoana, ny mahafantatra, ny mahafantatra fotsiny an'izay ataonareo, hitanareo, raha tokony hivembena, ho tafintohina. Ndao isika hijoro ao amin'ny Hazavana, sy handeha ao amin'ny Hazavana ka hahafantatra hoe lâlana iza no androsoanareo. Marina izany. Homba anareo anie ny Tompo.

²¹² Ary raha ny tsirairay avy aminareo ato ankehitriny no tsy mbola voapetraka ara-toerana! Mety tsy hafa afatsy mpikarakara tokantrano iray fotsiny ianareo. Eny, hoy ianareo hoe, "Ranadahy Branham, tsy nahavita zavatra iray mihitsy aho teo amin'ny fiainako. Tsy mpitroy teny iray aho." Eny, angamba nentin'Andriamanitra teto ianareo mba hitaiza fianakavian'ankizy iray, avy amin'io fianakavian'ankizy io dia mety hisy fianakavian'ankizy iray hafa izay ho mpitroy teny izay handefa fanahy iray tapitrisa ho an'i Kristy. Tsy maintsy nisy teto ianareo. Eto ianareo ho an'ny tanjona iray. Efa fantatrareo ve izany?

²¹³ Eny, hoy ianareo hoe, "Ny hany mba vitako, dia, namakivaky an'ireo baingen-tany tranainy ireo. Ary niainga aho, saiky amin'ny hariva, tsy nahafantatra hoe ahoana no hanaovako fivelomana iray ho an'ireo zanako kely. Nijery an'ireo ankizy kely mahanttra tsy nanao kiraro aho. Nipetraka aho ka nitomany. Manana kalesy tarihina tranainy iray aho, ary nandeha tany ampiangonana izaho sy Mama." Aza manahy, rahalahy. Manohiza

mitia Azy fotsiny, manana tanjona iray ho anareo Izy. Mijanòna tsara fotsiny amin'izay maha-izy anareo, manohiza tsara fotsiny. Hitanareo? Mety tsy nitory toriteny iray mihitsy ianareo, saingy mety ho rain'ny raiben'ny anankiray izay hanao an'izany ianareo.

²¹⁴ Efa fantatrareo ve fa Andriamanitra dia nampanao (ndao jerentsika ankehitriny, iza no anarany?) Levy, mba handoa ny ampahafolony fony izy tao an-kibon'i Abrahama, rehefa nihaona taminy i Melkizedeka. Firy no mahafantatra an'izany? Ary ndao jerentsika. Abrahama niteraka an'i Isaka, Isaka niteraka an'i Jakoba, Jakoba niteraka an'i Levy; izany hoe ray, raibe, rain'ny raibe; fony izy tao an-kibo, tao amin'ny taranaky ny rain'ny raibeny, dia nanao azy handoa ny ampahafolony tamin'i Melkizedeka ny Baiboly. Oadray, oadray, oadray, oadray! Rahalahy! Oh! Izaho dia . . .

²¹⁵ Nisy kely—nisy lehilahy Anglisy kely iray niova fo tany indray hariva tany Angletera, hoy izy hoe, “Tena falifaly aho! Tena falifaly aho!”

²¹⁶ Eny, tena faly ny mahafantatra fa marina izany! Ary amin'ny andro be voninahitra iray, tsy fantattro hoe rahoviana izany andro izany, saingy raha fahitana iray izany, tsy milaza aho hoe teto aho. Tsarovy, ataovy ao an-tsaina foana ity, enga anie ireo mpihazona horonam-peo hanao tahaka an'izany. Na tao anatin'ny fahitana iray aho, na nentina tao amin'ny Fanahy, tsy fantattro. Fa ilay izy dia tena nisy tahaka ny ihazonako ny Rahalahiko Neville tahaka an'izao, tena nisy mihitsy. Ary afaka njery sy afaka niresaka tamin'ireo olona ireo aho. Ary nitsangana teo ny vadiko voalohany, tsy nihorakoraka izy hoe “ny vadiko,” hoy izy hoe, “ny anadahy malalako.”

Nitsangana teo ny zazavavy iray izay niarahako fahiny taona maro lasa izay.

²¹⁷ Angamba mipetraka eto ny sasany amin'ny havany, Alice Lewis avy any Útica, tena mahafinaritra, zazavavy Kristiana mendrika. Tara kely no nanambadiany teo amin'ny fiainana, ka nahazo ny zazakeliny voalohany izy ary maty teo am-piterahan-jaza. Alice Lewis, nandeha tany amin'ilay toerampandevenana aho mba hijery azy. Vao tonga tany an-trano mihitsy aho, dia reko fa maty izy. Nandeha tany aho, tsy nisy olona tao amin'ilay efitra, dia hoy aho hoe, “Misy vehivavy iray ve ato, Rtoa . . .” Emmerke no anarany. Ary nanambady zazalahy Kristiana mahafinaritra iray izy, ary izy dia tovovavy Kristiana mahafinaritra iray. Efa niaraka tamin'io tovovavy io hatraiza hatraiza aho, tamin'ireo karazan-toerana rehetra sy ny sisa. Ary ankizy fotsiny, valo ambin'ny folo, sivy ambin'ny folo taona, hatraiza hatraiza, Kristiana mahafinaritra, tsy nahafantatra na inona na inona mikasika azy afa-tsy ny hoe Kristianisma tena izy. Ary mpanota iray aho. Fa nandeha niaraka taminy aho. Izaho dia nandeha tany . . . Ary Kristiana nateraka indray ny

vadiny, tena lehilahy. Ary tsy nahafantatra aho; fantattro fa hoe maty izy, hitako tao anaty gazety. Fa nandeha tany aho ary niteny tamiko izy ireo. Nandeha tany amin-dry Coots aho ary hoy aho hoe, “Manana Rtoa. Emmerke iray ve ianao?”

Hoy izy hoe, “Billy, ao amin’ilay efitra ao mihitsy izy.”

²¹⁸ Niditra tao aho ary nitsangana teo akaikin’ilay vatam-paty. Nieritreritra aho hoe, “Alice, efa tao anaty tranomaizina maizina indrindra aho, efa teny amin’ny lalàna maizina aho. Nandeha niaraka teny amin’ireo lalàna izaho sy ianao ary nitety ny renirano, rehefa nanana an’ireo sambo fanaovana fampisehoana traanainy izy ireo fahiny, dia nipetraka tany isika ary nihaino an’ilay fitendrin’ny orga mandeha amin’ny entona. Nandroso sy niverina teo amin’ireo lalàna kely, ramatoa iray toy ny inona ianao! Toy ny ahoana no isaorako an’Andriamanitra nohon’ny fiainanao. Mitsahara, ry anabavy malalako, mitsahara ao amin’ny fiadanana’Andriamanitra.”

²¹⁹ Ary indray alina tao anatin’ny fahitana, dia nihazakazaka nanatona ahy izy. Hoy izy hoe, “Ry anadahiko voatahy,” ary nanipy ny sandriny nanodidina ahy. Oh, oh, rahalahy sy anabavy, nanova ahy izany. Tsy afaka nitovy tamin’ny taloha intsony mihitsy aho. Tena misy izany! Izany fotsiny dia—tena misy tahaka ahy mijery anareo fotsiny izany, tena misy tahaka an’izany fotsiny. Noho izany, tsy misy tahotra. Mety ho faty alohan’ny ifaranan’ny alina aho.

²²⁰ Te-hitaiza ny zanakolahy kely iry aoriania iry aho, Joseph. Tehahita azy eo amin’ny polipitra aho, rehefa afaka mandray an’ity Baiboly ity aho. . . rehefa tonga eo amin’ny toerana iray aho izay hahitako an’i Joseph eo amin’ny polipitra mitory teny tahaka ny—tahaka ny lehilahy tanora iray feno ny Fanahy Masina, voahosotry ny Fanahin’Andriamanitra eo aminy. Ary mino aho fa ho mpaminany izy. Ny andro rehefa izaho—rehefa izaho—rehefa nahita azy aho enin-taona talohan’ny nahaterahany, tsaroanareo aho niteny anareo fa ho tonga izy. Tsaroanareo ny niantsoako azy, teto akaikin’ny alitara teto mihitsy, tsy nahafantatra an’izay nolazaiko, nanolotra an’ireo zazakely, hoy aho hoe, “Joseph, mpaminany iray ianao.”

²²¹ Ary indray andro nitsangana tany an-tokotany, dia nanatona ahy izy, ary hoy izy hoe, “Dada, manana tånama tahaka ny anao ve Jesosy?”

Dia hoy aho hoe, “Eny, eny, anaka. Nahoana?”

²²² Hoy izy hoe, “Nipetraka teo ambonin’ny bisikiletako aho, niandry an’i Sarah” (ny anabavy keliny izany) “hody avy any an-tsekolys.” Nipetraka teo izy. Tsy hamela azy hivoaka eny amin’ny lalana aho, nipetraka tahaka an’izao izy. Dia hoy izy, “Niandranda aho, ary,” hoy izy, “rehefa niandranda aho, dia nisy tånama iray tahaka ny anao, niaraka tamin’ny tånan’akanjo fotsy teo amboniko.” Ary hoy izy, “Lasa niakatra

izany.” Hoy izy, “Tànan’i Jesosy niakatra ve izany?” Nijery ny reniny aho, ny reniny njery ahy. Nandeha tany amin-dry Rtoa. Wood izahay. Na aiza misy azy, mipetraka ato. Nanontany azy izahay, namerimberina, ary ny fomba rehetra izay azonay natao. Fahitana iray ilay izy. Nahita an’izany izy. Rehefa afaka mahita ny fotoana itsanganan’i Joseph kely... Manantena ny ho velona mba hahita azy hanambady aho, raha maharitra Jesosy.

²²³ Ary lehilahy antitra iray aho, ireo volombava fotsy mihantona manodidina ny tendako eto. Izaho dia nandef... Tehandefa fanahy roa na telo tapitrisa amboniny ho an’i Kristy aho raha mety vitako. Fanapahan-kevitro ny hitory ny Filazantsara amin’ny zoron’ny tany rehetra. Eny, tompoko. Noho izany, ampio aho, Andriamanitra, hataoko izany. Noho izany, rehefa afaka mahita an’izany fotoana izany tonga aho, Rahalahy Mike.

²²⁴ Afaka mijery an’ilay fotoana aho Mama, Meda, miantso azy aho hoe, ny malalako, hitanareo, izy dia... miha-antitra izahay, mahita ny volony mivadika fotsy, ary mahita anay miha-mihena, miha-malazo.

²²⁵ Rebekah, tena mankasitraka ny amin’i Rebekah aho. Niteny tamiko ny mpampianatra mozikany indray hariva, nanao hoe, “Oadray, raha mitohy tahaka an’izao izy, Rahalahy Branham,” hoy izy, “dia sarotra ny hiteny an’izay hataony.” Hitanareo, mandroso ao amin’ny mozika. Tiako izy, ary tiako... Tiako Sarah eo amin’ny orga, Becky eo amin’ny piano, tiako Joseph eo amin’ny polipitra.

²²⁶ Rehefa afaka mahita an’izany mitranga aho, ary izaho sy Mama afaka mivembena, izaho eo amin’ny tehiko antitra, indray hariva, mandeha midina ny lèlana, ary afaka mijery eo aho ka mahita ny zanakolahy mitsangana eo voahosotry ny Fanahy Masina, mitory an’ity Filazantsara iray ity ihany. Te-haka an’ity Boky trrainainy ity aho, ka hanao hoe, “Anaka, indro Izany, anao Izany. Mijoroa miaraka amin’Izany, aza manao marimaritra iraisana eo amin’ny Teny anankiray. Mijanòna tsara miaraka amin’Izany, malala. Ianao aza, aza miraharaha, tsy ahoako izay manohitra anao, izay hanohitra, fa Andriamanitra no homba anao. Torio fotsiny arak’izay nanoratana Azy Ato ny Teny tsirairay, dia hahita anao eny ampitan’ilay renirano Dada.” Te-hanatsotra tènana sy handray azy eo an-tsandriko aho, ny vadiko, ary hiampita ny Jordana.

²²⁷ Mandra-pahatongan’io fotoana io, Andriamanitra, dia avelao aho hijanona eo amin’ny saha, mahatoky! Avelao aho! Tsy ahoako izay vidiny, na firy, izay ataoko, na *ity, itsy* na ny *hafa*. Avela aho hijanona mahatoky sy marina amin’ny Tenin’Andriamanitra velona, ka rehefa tonga izany andro izany ary hiampita any aho, dia afaka mijery manerana aho ka hanao hoe, “Eo ianao izao. Oh, ry sakaizako sarobidy, ry rahalahiko sarobidy, ry anabaviko sarobidy.”

²²⁸ Ry mpitory teny tanora, midira ao amin'ny saha, mijanòna eo amin'ilay lamboridy. Ianareo mpitory teny tanora rehetra sy ny sisa, aza mipetratraka. Aza mipetraka fotsiny ka tsy manao na inona na inona. Mivoaha any ary mahazoa fanahy iray. Manaova zavatra anankiray! Mandrosoa, mihetseha. Aza mijanona, ry mpitory teny tanora ery. Andriamanitra hitahy ny fonao.

²²⁹ Izy dia mampahatsiahy ahy fony aho saiky teo amin'io taona io, neveriko, ary angamba tanora kely kokoa noho izy. Teo amin'ny roapolo taona mihoatra teo fotsiny aho rehefa nametraka an'ilay vato fehizoro teo. Tsaroako aho nanao palitao manga sy pataloха fotsy fahiny, ary nitsangana teo ka nametraka an'ilay vato fehizoro teo amin'ny iraika amby telopolo taona lasa izay. Hitanareo hoe firy taona aho, zazalahy iray fotsiny aho. Nitsangana teo fotsiny, nametraka an'ilay vato fehizoro. Tsy nanao marimaritra iraisana tamin'ny Teny anankiray aho. Nihazona Azy marina tokoa tahaka ny tamin'ny nametrahako an'ilay vato fehizoro aho. Any ny fijoroako vavolombelona mipetraka any, izay nanoratako azy teo amin'ilay pejy tsy misy soratra an'ny Baiboly, ary norovitiko izany ka napetrako tao anatin'ilay vato fehizoro, ary mbola mijanona ao foana izy. Ary enga anie izany ho voasoratra eo amin'ireo pejin'ny Tenin'Andriamanitra Mandrakizay any An-danitra. Avelao aho hijanona mahatoky hatramin'ny farany.

Ndao isika hanondrika ny lohantsika iray minitra fotsiny ankehitriny ho an'ny vavaka.

²³⁰ Eo amin'ny famaranana an'ity hariva ity, ny famaranana an'ireto, toko anankiray, izay tsy voamarina. Tokony hanana an'ilay hafa ianareo, sy izay androsoany ka ametrahany ny fiangonana ao amin'ny toerany. Hasehoko anareo izany indray andro any, raha sitrapon'Andriamanitra. Tsy maintsy hiala sasatra kely fotsiny aho ankehitriny alohan'ny andehanako any amin'ilay Chautauqua any, ho an'ny favoriana goavana iray hafa, avy eo dia hiala avy ao aho ho any Oklahoma, avy ao mankany Klamath Falls, avy ao Klamath Falls midina any California, miakatra any Yakima, tsy ho tafaverina aho raha tsy amin'ny faha-15 Aogositra manaraka.

²³¹ Saingy jereo, mamelà ahy hanontany zavatra anankiray aminareo, raha hisy zavatra hitranga aminareo na amiko alohan'ny hahatongavan'izany fotoana izany, raha tsy maintsy handalo an'ilay renirano hiditra ao amin'io tany io aho, na raha tsy maintsy handalo alohan'izany fotoana izany hiditra ao amin'io tany io ianareo, dia mahatsapa an'ilay antoka ve ianareo izao hariva izao hoe hihaona ao amin'io toerana io isika any? Raha mahatsapa ianareo, dia atsangano ny tànanareo, manaova hoe, "Mahatsapa an'ilay antoka aho ato am-poko." Andriamanitra hitahy ny fonao. Andriamanitra hitahy anao. Raha misy anankiray ato izay tsy mahatsapa an'ilay antoka fa ho any izy ireo, ka te-hanao hoe, "Tsarovy aho, Rahalahy Branham,

mba hananako an'io antoka io," atsangano ny tànanareo, "izaho dia te-ho any, ihany koa." Andriamanitra hitahy anao, ramatoa. Andriamanitra hitahy anao.

²³² Rainay any An-danitra, mitondra an'ity fiangonana ity Aminao izahay izao hariva izao, ny tànana rehetra, araka ny fantatro, dia nitsangana. Ny rehetra afa-tsý olona anankiray, fanahy sarobidy iray mipetraka eto aoriana eto, reraka iray kely fotsiny raha afaka hiampita an'ilay tany izy ireo, izay misy ny tena fitiavana masina ao am-pony, ao anatin'ny fon'io vehivavy sarobidy io, hoe ho tonga any amin'ilay tany izy raha ho faty izao hariva izao: hampiditra ny fanahiny reraka ao amin'ilay Tany Nampanantenain'Andriamanitra ve izany?

²³³ Ray any an-danitra, tahaka ny nijoroako teto amin'ity polipitra ity ka nitory teny, sy tsemboka, sy niantsoantso, sy niangavy, ary nandresy lahatra, dia mamele ahy hangataka Aminao indray mandeha, Tompo, mamele ahy hangataka ho an'ny anabaviko iry aoriana iry; Andriamanitra, apetraho ao anatin'ny fony izao hariva izao: io fitiavana masina io, io Fanahy Masin'Andriamanitra io, io fiadanana izay mihoatra ny fahazoana rehetra io, mba handraisany Ny Fanahinao, ho voaisin'ny Fanahy Masina tombokase mandra-pahatongan'izany andro izany. Te-hahita azy aho, Tompo, rehefa miampita an'ilay tetezana izahay. Raha izany dia—raha izany no—raha tombontsoako ny hiampita, raha tena misy izay Nasehonao ahy, ka hiampita eo aho, dia tiako ny hihaona aminy any, sy hahita azy hihazakazaka ary handramby ahy amin'ny tànana, ka hanao hoe, "Ry anadahiko sarobidy, izany dia tamin'ilay hariva izay nisy Zavatra niteny tamiko mba hanangana ny tànako, rehefa nitory teo amin'ny bokin'ny Efesosy ianao. Nanangana ny tànako aho, ary nisy zavatra nitranga tamiko taorian'izany. Inty aho. Tanora mandrakizay aho ankehitriny." Andriamanitra ekeo izany ho an'io anankiray sarobidy io.

²³⁴ Ireo izay nanangana ny tànany hoe voaisin'ny Fanahy Masina tombokase izy ireo, dia eo ambonin'izy ireo ny Fanahin'Andriamanitra, ary nandray ny Fanahy Masina izy ireo, voaisy tombokase amin'ilay fitiavana masina ao am-pony izy ireo. Toy ny ahoana ny isaoranay Anao ny amin'izy ireo.

²³⁵ Mahafantatra, Ray, fa handeha any amin'izao tontolo izao ireto horonam-peo ireto. Fanamafisam-peo maro no mipetraka manerana an'ity polipitra ity, izay midika fa efa vita ireo horonam-peo, mihodina ao, handeha any amin'ny tany samihafa manerana an'izao tontolo izao ilay Feo, manodidina an'izao tontolo izao, firenena roapolو na telopolo samihafa no handre an'izany. Mivavaka aho mba ny olona rehetra izay mandre an'ity horonam-peo ity, izay tsy manana an'ilay fanantenan'ny Fiainana Mandrakizay, izay tsy manana ny batisan'ny Fanahy Masina, enga anie Izany ho tonga ao am-pon'izy ireo amin'ny fahamoram-panahy. Ekeo izany, Tompo.

²³⁶ Ary enga anie aho, raha tsy hahita azy ireo intsony ao amin'ity fiainana ity, rehefa miampita ao amin'io tany io aho, dia enga anie izy ireo hihazakazaka sy handramby ahy (fa handramby azy ireo aho, ary izy ireo, hiantsoantso izahay hoe, "Rahalahy sarobidy!" amin'ny anankiray hafa), hanao hoe, "Nandre ny horonam-peonao ny amin'ny Efesosy aho, hoe ahoana fa nifidy mialoha antsika ho amin'ny Fiainana Mandrakizay Andriamanitra, ary teo amin'izany horonam-peo izany no nandraisako ny Feon'Andriamanitra ary voaisin'ny Fanahy Masina tombokase ao amin'ny Fanjakan'Andriamanitra." Ekeo izany, Ray.

²³⁷ Sitrano ny rehetra izay marary sy ory. Raiso ho an'ny Tenanao ny voninahitra fa manolotra an'ity rehetra ity ho Anao ao amin'ny ezaka rehetra amin'ny Anaran'i Jesosy izahay, Ny Zanakao. Amena.

²³⁸ Misy ve eto izay marary ka te-hametrahan-tànanana eo amin'izy ireo mba hivavahana? Hanangana ny tànanareo ve ianareo? Eny àry. Handeha moramora ve ianareo, ankehitriny, ho eto amin'ny alitara eto mihitsy, ary hitsangana fotoana fohy fotsiny, raha manatona Rahalahy Neville miaraka amin'ny...

²³⁹ Oh, ity dia toy ny hoe, mivavaka ho an'ny marary, izao fotsiny-toy ny hoe midina fotsiny any amin'izay fantatrareo fa itsangananareo, marina tokoa. Andriamanitra no mahafantatra ny rehetra mikasika an'ity.

²⁴⁰ Rehefa mandre an'izany hira izany aho... Tsarovy, raha velona ianareo rehefa lasa aho, dia tendreo ity ho ahy: *Minoa Fotsiny*. Tsarovy, tsy maty aho, tsy ho lavitra loatra anareo aho hihaino azy. Tsy afaka ho faty aho; Jesosy no nanome ahy ny Fiainana Mandrakizay; hanangana ahy amin'ny andro farany; hahita anareo aho. Ary raha lasa ianareo, dia hino an'ilay zavatra iray ihany aho ho anareo. Mino aho fa hifankahita indray isika.

²⁴¹ Mijery, io ramatoa sarobidy mitsangana eto io miaraka amin'ny volo fotsy. Kristiana ve ianao? Feno Ny Fanahiny, miandry ny Fihaviany, mijoro eto fotsiny miandry an'ilay sambo ho tonga. Amena. Oh, ranabavy... .



FANANGANAN'ANAKA 4 MAG60-0522E

(Adoption⁴)

ANDIAN'NY FANANGANAN'ANAKA

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 22 May, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org